

四庫全書

子部

欽定四庫全書

子部

山海經卷

一至三

詳校官侍郎臣謝墉

侍讀臣孫球覆勘

總校官進士臣朱鈐

校對官中書臣高中

謄錄監生臣黃臣鵠

欽定四庫全書

子部十二

山海經

小說家類二 異聞之屬

提要

臣等謹案山海經十八卷晉郭璞注首有劉  
秀校上奏稱為伯益所作案山海經之名始  
見史記大宛傳司馬遷但云禹本記山海經  
所言怪物余不敢道而未言為何人所作列  
子稱大禹行而見之伯益知而名之夷堅聞

而志之似乎即指此書而不言其名山海經  
王充論衡別通篇曰禹主行水益主記異物  
海外山表無所不至以所見聞作山海經趙  
煜吳越春秋所說亦同惟隋書經籍志云蕭  
何得秦圖書後又得山海經相傳夏禹所記  
其文稍異然似皆因列子之說推而衍之觀  
書中載夏后啓周文王及秦漢長沙象郡餘  
暨下雋諸地名斷不作於三代以上殆周秦

間人所述而後來好異者又附益之歟觀楚  
詞天問多與相符使古無是言屈原何由杜  
撰朱子楚詞辨證謂其反因天問而作似乎  
不然至王應麟王會補傳引朱子之言謂山  
海經記諸異物飛走之類多云東向或曰東  
首疑本因圖畫而述之古有此學如九歌天問  
皆其類云云則得其實矣郭璞注是書見於  
晉書本傳隋唐二志皆云二十三卷今本乃

少五卷疑後人併其卷帙以就劉秀奏中一十八篇之數非缺佚也隋唐志又有郭璞山海經圖讚二卷今其讚猶載璞集中其圖則宋志已不著錄知久佚矣舊本所載劉秀奏中稱其書凡十八篇與漢志稱十三篇者不合七略即秀所定不應自相牴牾疑其質托然璞序已引其文相傳既久今仍併錄焉書中序述山水多參以神怪故道藏收入太元

部輟字號中究其本旨實非黃老之言然道理山川率難考據按以耳目所及百不一真諸家並以為地理書之冠亦為未允核實定名實則小說之最古者爾乾隆四十六年正月恭校上

總纂官

臣紀昀

臣陸錫熊  
臣孫士毅

總校官

臣

陸費墀

--	--	--	--	--	--	--	--



# 山海經原序

世之覽山海經者皆以其闕誕迂誇多奇怪俶儻之言  
莫不疑焉嘗試論之曰莊生有云人之所知莫若其所  
不知吾於山海經見之矣夫以宇宙之寥廓羣生之紛  
紜陰陽之煦蒸萬殊之區分精氣渾淆自相噴薄遊魂  
靈怪觸象而構流形於山川麗狀於木石者惡可勝言  
乎然則總其所以乖鼓之於一響成其所以變混之於  
一象世之所謂異未知其所以異世之所謂不異未知

其所以不異何者物不自異待我而後異異果在我非物異也故胡人見布而疑縻越人見罽而駭毳夫翫所習見而奇所希聞此人情之常蔽也今畧舉可以明之者陽火出於水水陰鼠生於炎山而俗之論者莫之或怪及談山海經所載而咸怪之是不怪所可怪而怪所不可怪也不怪所可怪則幾於無怪矣怪所不可怪則未始有可怪也夫能然所不可不可所不可然則理無不然矣案汲郡竹書及穆天子傳穆王西征見西王母

執璧帛之好獻錦組之屬穆王享王母於瑤池之上賦  
詩達來辭義可觀遂襲崑崙之丘遊軒轅之宮眺鍾山  
之嶺玩帝者之寶勒石王母之山紀迹玄圃之上乃取  
其嘉木豔草奇鳥怪獸玉石珍瑰之器金膏燭銀之寶  
歸而殖養之於中國穆王駕八駿之乘右服盜驪左騂  
騄耳造父為御并戎為右萬里長騫以周歷四荒名山  
大川靡不登濟東升大人之堂西燕王母之廬南轅龍  
鼉之梁北躡積羽之衢窮歡極娛然後旋歸案史記說

穆王得盜驪騄耳驂騑之驥使造父御之以西巡狩見西王母樂而忘歸亦與竹書同左傳曰穆王欲肆其心使天下皆有車轍馬迹焉竹書所載則是其事也而譙周之徒足為通識瑰儒而雅不平此驗之史考以著其妄司馬遷叙大宛傳亦云自張騫使大夏之後窮河源惡覩所謂崑崙者乎至禹本紀山海經所有怪物余不敢言也不亦悲乎若竹書不潛出於千載以作徵於今日者則山海之言其幾乎廢矣若乃東方生曉畢方之

名劉子政辨盜械之尸王頎訪兩面之客海民獲長臂  
之衣精驗潛効絕代縣符於戲羣惑者其可以少寤乎  
是故聖皇原化以極變象物以應怪鑒無滯蹟曲盡幽  
情神焉廋哉神焉廋哉蓋此書跨世七代厯載三千雖  
暫顯於漢而尋亦寢廢其山川名號所在多有舛謬與  
今不同師訓莫傳遂將湮泯道之所存俗之所喪悲夫  
余有懼焉故為之創傳疏其壅闕闢其弗蕪領其玄致  
標其洞涉庶幾令逸文不墜於世奇言不絕於今夏后

之迹靡刊於將來八荒之事有聞於後裔不亦可乎夫  
翦薈之翔巨以論垂天之凌蹠涔之遊無以知絳蚪之  
騰釣天之庭豈伶人之所躡無航之津豈蒼兕之所涉  
非天下之至通難與言山海之義矣於戲達觀博物之  
客其鑒之哉郭璞序

欽定四庫全書

山海經卷一

南山經

晉 郭璞 撰

南山經之首曰雒山其首曰招搖之山臨于西海之上

在蜀伏山山南之多桂桂葉似枇杷長二尺餘廣數寸西頭濱西海也

間無雜木呂氏春秋多金玉有草焉其狀如韭  
璅曰韭音九爾雅云

秋曰招搖之桂  
霍山亦  
而青花其名曰祝餘或作桂茶食之不飢有木焉其

多之

狀如穀而黑理

穀楮也皮作紙璫曰穀亦名構名穀者以其實如穀也

其花四照

言有光燄也若木華赤其光照地亦此類也見離騷經

其名曰迷穀佩之不迷有

獸焉其狀如禺而白耳

禺似獼猴而大赤目長尾今江南山中多有說者不了此物名

禺作牛字圖亦作牛形或作猴皆失之也禺字音遇

伏行人走其名曰狴狴食之

善走

狴狴禺獸狀如猿伏行交足亦此類也見京房易

麗膚之水出焉

膚音作几而

西流注于海其中多有沛

未詳佩之無瘕疾

瘕蟲病也

又東三百里曰堂

一作常

庭之山多棧木

棧別名連其子似柰而亦可食

音刺多白猿

今猿似獼猴而大臂脚長便捷色有黑有黃鳴其聲哀

多水玉

水玉今水精也



相如上林賦曰水玉磊砢多黃金  
赤松子所服見列仙傳

又東三百八十里曰獼翼之山其中多怪獸水多怪魚

凡言怪者皆謂貌狀倨奇不常也尸子曰徐偃王好  
怪沒深水而得怪魚入深山而得怪獸者多列於庭多

白玉多蝮虫

蝮虫色如綬文鼻上有針大者百餘斤一名反鼻虫古虺字

多怪虵多

怪木不可以上

又東三百七十里曰杻陽之山

音紐

其陽多赤金銅也其陰

多白金

銀也見爾雅山南為陽山北為陰

有獸焉其狀如馬而白首其

文如虎而赤尾其音如謠

如人歌聲

其名曰鹿蜀佩之宜子

孫佩謂帶其皮尾怪水出焉而東流注于憲翼之水其中多玄

龜其狀如龜而鳥首虺尾銳其名曰旋龜其音如判

木如破木聲佩之不聾可以為底底蹠也為猶治也外傳曰疾不可為一作底猶病愈

也

又東三百里柢山柢音帶多水無草木有魚焉其狀如牛

陵居虵尾有翼其羽在鰭下亦作脅其音如留牛莊子曰執犂之

狗謂此牛也穆天子傳其名曰鯨音六冬死而夏生此亦

也謂之死者言其蟄無所知如死耳食之無腫疾

又東四百里曰亶爰之山

亶音蟬

多水無草木不可以上

言崇峭也

有獸焉其狀如狸而有髦其名曰類

類或作沛自髦或作髮

為牝牡食者不妬

莊子亦曰類自為雌雄而化今貍豬亦自為雌雄

又東三百里曰基山其陽多玉其陰多怪木有獸焉其

狀如羊九尾四耳其目在背其名曰搏訑

搏施二音佩訑一作陲

之不畏

不知恐畏

有鳥焉其狀如雞而三首六目六足三翼

其名曰鵩鵩

鵩鵩性急敬孚二音

食之無卧

使人少眠

又東三百里曰青丘之山

亦有青丘國在海外水經云即上林賦云秋田於青丘

其陽多玉其陰多青龍

龍勳屬音狐

有獸焉其狀如狐而九

尾

即九尾狐

其音如嬰兒能食人食者不蠱

噉其肉令人不逢妖邪之氣或

曰蠱毒

有鳥焉其狀如鳩其音若呵

如人相呵呼聲

名曰灌灌

或作

澨佩之不惑英水出焉南流注于即翼之澤其中多赤

鰐

音懦

其狀如魚而人面其音如鴛鴦食之不疥

一作疾

又東三百五十里曰箕尾之山其尾跋于東海多沙石

跋古蹲字言臨海上音存

沔水出焉

音芳

而南流注于涓

音育

其中多白

玉凡雒山之首自招搖之山以至箕尾之山凡十山二

千九百五十里其神狀皆鳥身而龍首其祠之禮毛

言擇

牲取其毛色也周官曰陽祀用騂牲之毛

用一璋玉瘞

半圭為璋瘞埋也

糝用秬米

糝祀神之米名先呂反今江東音所一音壻秬秬稻也他觀反糝或作疏非也

一璧稻米白菅

為席

菅茅屬也音間

南次二經之首曰柜山

音矩

西臨流黃北望諸毗東望長

右

皆山名

英水出焉西南流注于赤水其中多白玉

尸子曰水

方折者有玉員折者有珠

多丹粟

細丹砂如粟也

有獸焉其狀如豚有距其

音如狗吠其名曰狸力見則其縣多土功有鳥焉其狀

如鴟而人手

其脚如人手  
鴟音處脂反

其音如痺

未詳

其名曰鵠

音株其

鳴自號也見則其縣多放士

放放還或  
作效也

東南四百五十里曰長右之山無草木多水有獸焉其

狀如禺而四耳其名長右

以山出此獸  
因以名之

其音如吟

如人  
呻吟

聲見則郡縣大水

又東三百四十里曰堯光之山其陽多玉其陰多金有

獸焉其狀如人而彘鬣穴居而冬蟄其名曰猾褢

滑懷  
二音

其音如斲木

如人斲  
木聲

見則縣有大繇

謂作役也或  
曰其縣亂

又東三百五十里曰羽山

今東海祝其縣西南有羽山即縣所殛處計此道里不相

應似非也

其下多水其上多雨無草木多蝮虫

也

又東三百七十里曰瞿父之山

音

無草木多金玉

又東四百里曰句餘之山無草木多金玉

今在會稽餘姚縣南句章

縣北故此二縣因此為名云見張氏地里志

又東五百里曰浮玉之山北望具區

具區今吳縣西南太湖也尚書謂之

震澤東望諸毗

水名

有獸焉其狀如虎而牛尾其音如吠犬

其名曰彘是食人茗水出于其陰北流注于具區其中

多紫魚

紫魚狹薄而長頭大者尺餘太湖中今饒之一名刀魚音祚啓反

又東五百里曰成山四方而三壇

形如人築壇相累也成亦重耳其上

多金玉其下多青蘘閣水出焉

音而南流注于一作流

虜勺

虜音呼勺或作多下同

其中多黃金

今永昌縣水出金如糠在沙中尸子曰清水出

黃金

玉英

又東五百里曰會稽之山四方

今在會稽郡山陰縣其南上有禹冢及井

上多金玉其下多硃石

硃武夫石似玉今長沙臨湘出之赤地白文色龍蔥不分明

勺水出焉而南流注于澳

音鵬



又東五百里曰夷山無草木多沙石澳一作水出焉而

南流注于列塗

又東五百里曰僕勾一作夕之山其上多金玉其下多草

木無鳥獸無水

又東五百里曰咸陰之山無草木無水

又東四百里曰洵一作旬山其陽多金其陰多玉有獸焉

其狀如羊而無口不可殺也稟氣自然其名曰羆音還或音患洵

水出焉音詢而南流注于閼之澤音遏其中多芘羸紫色螺也

又東四百里曰庠勺之山其上多梓枬

梓山楸也枬大木葉似桑今作

楠音南爾雅以為枬

其下多荆杞

杞枸杞也子赤

滂水出焉

音滂汜之滂

而東

流注于海

又東五百里曰區吳之山無草木多砂石鹿水出焉而南流注于滂水

又東五百里曰鹿吳之山上無草木多金石澤更之水

出焉而南流注于滂水水有獸焉名曰蠱雕

蠱或作纂其狀

如雕而有角其音如嬰兒之音是食人

又東五百里曰漆吳之山無草木多博石無玉博可以為處

于海東望丘山其光載出載入神光之所潛耀是惟日次是日景之

所次凡南次二經之首自柜山至于漆吳之山凡十七

舍山七千二百里其神狀皆龍身而鳥首其祠毛用一璧

瘞糈用稌稻穰也

南次三經之首曰天虞之山其下多水不可以上

又東五百里曰禱過之山其上多金玉其下多犀兕犀似水牛

猪頭痺脚脚似象有三蹄大腹黑色三角一在頂上一在額上一在鼻上在鼻上者小而不得食角也好噉棘

口中常灑血沫兒亦似水多象象獸之最大者長鼻大者牙長一丈性妬不畜

淫有鳥焉其狀如鵠鵠似鳬而小脚近而白首三足或作

手人面其名曰瞿如音劬其鳴自號也浪水出焉音銀而南

流注于海其中有虎蛟蛟似蛇四足龍屬其狀魚身而蛇尾其

音如鴛鴦食者不腫可以已痔

又東五百里曰丹穴之山其上多金玉丹水出焉而南

流注于渤海渤海海岸曲崎頭也有鳥焉其狀如雞五采而文名

曰鳳凰首文曰德翼文曰義背文曰禮膺文曰仁腹文

曰信是鳥也飲食自然自歌自舞見則天下安寧

漢時鳳鳥

數出高五六尺五米莊周說鳳文字與此有異廣雅云鳳雞頭鵠額蛇頸龜背魚尾雌曰凰雄曰鳳

又東五百里曰發壑

或作喪

之山無草木多水多白猿沆

水出焉而南流注于渤海

又東四百里至于旄山之尾其南有谷曰育遺

或作隧多

怪鳥

廣雅曰鵠鵠鵠朋友居鵠雀皆怪鳥之屬也

凱風自是出

凱風南風

又東四百里至于非山之首其上多金玉無水其下多

蝮虫

又東五百里曰陽夾之山無草多水

又東五百里曰灌湘之山上多木無草多怪鳥無獸

一作

灌湖射之山

又東五百里曰雞山其上多金其下多丹腹

腹赤色者或曰腹美

丹也見尚書音尺蠖之蠖

黑水出焉而南流注于海其中有鰐魚

音團

扇之其狀如鮒而彘毛其音如豚見則天下大旱

又東四百里曰令丘之山無草木多火其南有谷焉曰

中谷條風自是出

東北風為條風記曰條風至出輕繫督通鬲

有鳥焉其狀

如梟人面四目而有耳其名曰顓音娛其鳴自號也見則

天下大旱

又東三百七十里曰侖者之山

音論說之論一音倫

其上多金玉

其下多青雘有木焉其狀如穀而赤理其汗如漆其味

如飴食者不飢可以釋勞其名曰白蓉

或作罽蘇罽蘇一名白蓉見廣

雅音可以血玉

血謂可用染玉作光彩

又東五百八十里曰禺膏之山多怪獸多大蛇

又東五百八十里曰南禺之山其上多金玉其下多水有

穴焉水出輒入夏乃出冬則閉佐水出焉而東南流注

于海有鳳凰鵠鵠

亦鳳屬

凡南次三經之首自天虞之山以至南禺之山凡一十四山六千五百三十里其神皆龍身而人面其祠皆一

白狗祈

祈請禱也

糒用稌

右南經之山志大小凡四十山萬六千三百八十里

山海經卷一



欽定四庫全書

山海經卷二

晉 郭璞 撰

西山經

西山經華山之首曰錢來之山其上多松其下多洗石

漂洗可以礪體去垢  
圻礪初兩反

有獸焉其狀如羊而馬尾名曰羴羊

今大月氏國有大羊如驢而馬尾爾  
雅云羊六尺為羴謂此羊也羴音針  
其脂可以已腊治體

皴腊  
音昔

西四十五里曰松果之山濩水出焉北流注于渭其中

多銅有鳥焉其名曰鵯渠

鵯音形弓之形

其狀如山雞黑身赤

足可以已膝

謂皮皺起也音叵駁反

又西六十里曰太華之山

即西岳華陰山也今在弘農華陰縣西南

削成而

四方

今山形上大下小峭峻也

其高五千仞其廣十里

仞八尺也上有明星玉女

持玉漿得上服之即成仙道險僻不通時含神霧云

鳥獸莫居有蛇焉名曰肥蠚

六足四翼見則天下大旱

湯時此蛇見於陽山下復有肥遺蛇疑是同名

又西八十里曰小華之山

即少華山

其木多荆杞其獸多狢

牛今華陰山中多山牛山羊肉皆千斤牛即此牛也音昨其陰多磬石可以為樂石其

陽多璵璠之王璵璠玉名所未詳也璵浮兩音鳥多赤鷩赤鷩山雞之屬胃腹洞赤

冠金皆黃頭綠尾中有赤毛彩鮮明音作藏或作鼈可以禦火其草有草荔草荔香草

也藏戾狀如烏韭而生於石上亦緣木而生烏韭在屋兩音者曰昔那

在牆者食之已心痛曰垣衣

又西八十里曰符禺之山其陽多銅其陰多鐵其上有

木焉名曰文莖其實如棗可以已聾其草多條其狀如

葵而赤花黃實如嬰兒舌食之使人不惑符禺之水出

馬而北流注于渭其獸多葱蘢其狀如羊而赤鬣其鳥

多鴟音是其狀如翠而赤喙翠似燕而紺色也可以禦火畜之辟火災也

又西六十里曰石脆之山其木多梭栴梭樹高三丈許無枝條葉大而

員枝生梢頭實皮相裏上行一皮者為一節可以為繩一名併欄音馬駿之駿其草多條其狀

如韭而白華黑實食之已疥其陽多瑇瑁之玉其陰多

銅灌水出焉而北流注于禺水其中有流赭赭赤土以塗

牛馬無病今人亦以朱塗牛角云以辟惡馬或作角

又西七十里曰英山其上多杻橦杻似棣而細葉一名土橦音紐橦木中車

材音姜其陰多鐵其陽多赤金禹水出焉北流注于招水

音韶其中多鮮魚音同蚌蛤之蚌其狀如鼈其音如羊其陽多箭

簞今漢中郡出簞竹厚裏而長節根深筍冬生地中人掘取食之簞音嫺其獸多牝牛羢

羊有鳥焉其狀如鶉黃身而赤喙其名曰肥遺食之已

癘癘疫病也或曰惡瘡韓子曰癘人憐主可以殺蟲

又西五十二里曰竹山其上多喬木枝上竦者音橋其陰多鐵

有草焉其名曰黃萑其狀如樗其葉如麻白華而赤實

其狀如赭紫赤色浴之已疥又可以已肘治肘腫也音符竹水出

馬北流注于渭其陽多竹箭

箭篠也

多蒼玉丹水出焉

今所

在有丹水

東南流注于洛水其中多水玉多人魚

如鯢魚四脚

有

獸焉其狀如豚而白毛大如筭而黑端

筭籒屬

名曰毫蕪

豕猪也夾髀有麓豪長數尺能以脊上毫射物亦自為北牡豕或作緞吳楚呼為鸞猪亦此類也

又西百二十里曰浮山多盼水

音美目盼兮之盼

枳葉而無傷

枳刺針也能傷人故名云

木蟲居之

在樹之中

有草焉名曰薰

音訓

草麻葉

而方莖赤華而黑實臭如薜蘿

薜蘿香草易曰其臭如蘭眉無兩音

佩之

可以已癘

又西七十里曰踰次之山

音史

漆水出焉

今漆水出岐山

北流注

于渭其上多棫櫟

棫白桤也音域

其下多竹箭其陰多赤銅其

陽多嬰垣之玉

垣或作短或作根或作埋傳寫謬錯未得其詳

有獸焉其狀如

禺而長臂善投其名曰𪔐

亦在畏獸畫中似獼猴投擲也

有鳥焉其狀

如梟人面而一足曰橐𪔐

音肥

冬見夏蟄服之不畏雷

著其

毛羽令人不畏天雷也或作災

又西百五十里曰時山無草木遂

或作遂

水出焉北流注

于渭其中多水玉

又西百七十里曰南山上多丹粟丹水出焉北流注于

渭獸多猛豹

猛豹似熊而小毛淺有光澤能食蛇食銅鐵出蜀中豹或作虎

鳥多尸鳩

尸鳩布穀類也或曰鳩鷦也鳩或作丘

又西百八十里曰大時之山上多穀柞

柞櫟

下多杻榰陰

多銀陽多白玉涇水出焉

音潛

北流注于渭清水出焉南

流注于漢水

今河內脩武縣縣北黑山亦出清水

又西三百二十里曰蟠冢之山

今在武都氏道縣南蟠音波

漢水出

焉而東南流注于沔

至江夏安陸縣江即沔水

嚙水出焉北流注于



湯水或作陽其上多桃枝鉤端鉤端桃枝屬獸多犀兕熊羆似

熊而黃白色鳥多白翰赤鷩白翰白鷩也亦名鷩雉人曰白雉有草焉猛慙能拔樹

其葉如蕙蕙香草蘭屬也或以蕙為薰葉失之音惠其本如桔梗本根也黑華

而不實名曰骨蓉爾雅釋草曰榮而不實謂之骨音骨食之使人無子

又西三百五十里曰天帝之山上多榲桲下多管蕙管茅

類也有獸焉其狀如狗名曰谿或作谷邊或作遺席其皮者不

蠹有鳥焉其狀如鶉黑文而赤翁翁頭下毛音汲甕之甕名曰櫟

音沙磔食之已痔有草焉其狀如葵其臭如薜蘿名曰

之磔

杜衡

香草也

可以走馬

帶之令人便馬或曰馬得之而健走

食之已癭

西南三百八十里曰臯塗之山

舊音色或作蕒又作藹

水出焉西

流注于諸資之水塗水出焉南流注于集獲之水其陽

多丹粟其陰多銀黃金其上多桂木有白石焉其名曰

舉可以毒鼠

今舉石殺鼠音豫蠶食之而肥

有草焉其狀如橐茅

橐茅香草

其葉如葵而赤背名曰無條可以毒鼠有獸焉其狀如

鹿而白尾馬足人手

前兩脚似人手

而四角名曰猓如

音猓猓之猓

有鳥焉其狀如鴟而人足名曰數斯食之已癭

或作癭

又西百八十里曰黃山

今始平槐里縣有黃山上故無有宮漢惠帝所起疑非此

草木多竹箭盼水出焉

音美目盼今之盼

西流注于赤水其中

多玉有獸焉其狀如牛而蒼黑大目其名曰犛

音敏有鳥

焉其狀如鴝青羽赤喙人舌能言名曰鸛鵒

鸛鵒舌似小兒舌脚

指前後各兩扶南徼外出五色者亦有純赤白者大如鴈也

又西二百里曰翠山其上多櫟柟其下多竹箭其陽多

黃金玉其陰多旄牛麋麇

麇似羊而大角細食好在其山崖間麇似獐而小有香

鳥多鷦鷯

音壘

其狀如鵲赤黑而兩首四足可以禦火

又西二百五十里曰隗山

音巍一音隗

是錞于西海

錞猶堤埽

也音章閏反

無草木多玉淒水出焉

或作淒

西流注于海其中

多采石黃金

采石石有采色者今雌黃空青綠碧之屬

多丹粟

凡西經之首自錢來之山至于隗山凡十九山二千九

百五十七里華山冢也

冢者神鬼之所舍也

其祠之禮太牢

牛羊豕為

太牢 隗山神也祠之用燭

或作燭

齋百日以百犧

牲純色者為犧

瘞

用百瑜

瑜亦美玉名音臾

湯

或作湯

其酒百樽

溫酒令熱

嬰以百珪百

璧

嬰謂陳之以環祭也或曰嬰即古嬰字謂孟也徐州云穆天子傳曰黃金之嬰之屬也

其餘十七山之屬皆毛牲用一羊祠之

牲謂牲體全具也左傳曰牲牲

肥膂者也燭者百草之未灰白蓆采等純之

純緣也五色純之等差其文綵

也周禮莞席紛純

西次二經之首曰鈴山

音髡鉗之鉗或作冷又作塗

其上多銅其下

多玉其木多杻榲

西二百里曰泰

或作泰

冒之山其陽多金其陰多鐵浴水

出焉東流注于河其中多藻玉

藻玉玉有符彩者或作東音練

多白蛇

水蛇

又西一百七十里曰數歷之山其上多黃金其下多銀

其木多杻樞其鳥多鸚鵡楚水出焉而南流注于渭其

中多白珠

今蜀郡平澤出青珠尸  
子曰水員折者有珠

又西百五十里曰高山其上多銀其下多青碧

碧亦玉  
類也今

越嶲會稽縣  
東山出碧

雄黃

晉大興三年高平郡界有  
山崩其中出數千斤雄黃

其木多櫟

其草多竹涇水出焉

音經而東流注于渭

今涇水出安定  
朝那縣西井頭

山至京兆高  
陵縣入渭也

其中多磐石

書曰泗濱  
浮磬是也

青碧

西南三百里曰女牀之山其陽多赤銅其陰多涅石

即楚

石也楚人名為涇石秦名為羽其獸多虎豹犀兕有鳥

涇也本草經亦名曰石涇也

焉其狀如翟而五彩文翟似雉而大長尾或作鸛鸛鵬屬也

名曰鸛鳥見

則天下安寧

舊說鸛似鸛瑞鳥也周成王時西戎獻之

又西二百里曰龍首之山其陽多黃金其陰多鐵苕水

出焉東南流注于涇水其中多美玉

又西二百里曰鹿臺之山

今在上郡

其上有白玉其下多銀

其獸多牝牛羝羊白豪

豪類猪也

有鳥焉其狀如雄雞而人

面名曰鳧鵲其名自叫也見則有兵

西南二百里曰烏危之山其陽多磬石其陰多檀楮

楮即

穀木

其中多女牀

未詳

烏危之水出焉西流注于赤水其中

多丹粟

又西四百里曰小次之山其上多白玉其下多赤銅有

獸焉其狀如猿而白首赤足名曰朱厭見則大兵

一作見則

有兵起焉一

作見則為兵

又西三百里曰大次之山其陽多堊

堊似土色甚白音惡

其陰多

碧其獸多牝牛麋羊



又西四百里曰薰吳之山無草木多金玉

又西四百里曰庀陽之山

音旨

其木多稷柎豫章

稷似松有刺細

理音即豫章大木似楸葉冬夏青生七年而後復可知也

其獸多犀兕虎豹牝牛

音豹

反

又西二百五十里曰衆獸之山其上多璆璠之玉其下多檀楮多黃金其獸多犀兕

又西五百里曰皇人之山其上多金玉其下多青雄黃

即雌黃也或曰空青曾青之屬

皇水出焉西流注于赤水其中多丹粟

又西三百里曰中皇之山其上多黃金其下多蕙棠

形棠

之屬也蕙  
或作羔

又西三百五十里曰西皇之山其陽多金其陰多鐵其

獸多麋鹿牝牛

麋大如小  
牛鹿屬也

又西三百五十里曰萊山其木多檀楮其鳥多羅羅是

食人

羅羅之鳥  
所未詳也

凡西次二經之首自鈴山至于萊山凡十七山四千一

百四十里其十神者皆人面而馬身其七神皆人面牛

身四足而一臂操杖以行是為飛獸之神其祠之毛用

少牢羊猪為少牢也白菅為席其十革音背神者其祠之毛一雄

雞鈴而不糝鈴所用祭器名所未詳也或作思訓祈不糝祠不以米毛采言用雄色雞也

西次三經之首曰崇吾之山在河之南北望冢遂山名南

望岳之澤音遙西望帝之搏獸之丘搏或作薄東望鴈音於淵然反

有木焉員葉而白柎今江東人呼草木子房為柎音府一曰柎花下鄂音丈夫字或作柎

音符赤華而黑理其實如枳食之宜子孫有獸焉其狀如

禺而文臂豹虎而善投名曰舉父或作夸父有鳥焉其狀如

鳬而一翼一目相得乃飛名曰蠻蠻

此翼鳥也色青赤不比不能飛爾雅

作鷦鷯

見則天下大水

西北三百里曰長沙之山泚水出焉

音紫北流注于泐水

烏交反又音黝水色黑也

無草木多青雄黃

又西北三百七十里曰不周之山

此山形有缺不周西處因名云西北不周

風自此山出

北望諸毗之山臨彼嶽崇之山東望泐澤河水

所潛也其源渾渾泡泡

河南出崑崙潛行地下至蔥嶺出于閼國復分流歧出合而東

流注泐澤已復潛行南出于積石山而為中國河也名泐澤即蒲澤一名蒲昌海廣三四百里其水停冬夏不

增減去玉門關三百餘里即河之重源所謂  
潛行也渾渾泡泡水漬湧之聲也哀咆二音爰有嘉果

其實如桃其葉如棗黃華而赤柎食之不勞

又西北四百二十里曰峯音密山其上多丹木員葉而赤

莖黃華而赤實其味如飴食之不飢丹水出焉西流注

于稷澤后稷神所馮因名云其中多白玉是有玉膏其源沸沸湯

湯玉膏湧出之貌也河圖玉版曰少室山其上黃帝是有白玉膏一服即仙矣亦此類也沸音拂黃帝是

食是饗所以得登龍於鼎湖而龍蛻也是生玄玉言玉膏中又出黑玉也玉膏所

出以灌丹木丹木五歲五色乃清言光鮮也五味乃馨言滋香也

黃帝乃取崑山之玉榮

謂玉華也。離騷曰：懷琬琰之華。英又曰：登崑崙兮食玉英。汲冢

書所謂茗華之玉。

而投之鍾山之陽

以為瑾瑜之玉為良。

言最善也。

或作食覲。史兩音。

堅栗精密

說玉理也。禮記曰：瑾密似栗。栗或作栗。玉有栗丈，所謂穀璧也。

濁

澤而有光

潤厚。

五色發作

言符彩互映色。王子靈符應曰：赤如雞冠，黃如蒸栗，白如

割肪黑如醇漆。玉之符彩也。

以和柔剛

言玉協九德也。

天地鬼神是食是饗

玉所以祈祭者言能動天地感鬼神。

君子服之以禦不祥

今徼外出金剛石石屬而似金

有光彩可以刻玉外國人帶之云辟惡氣亦此類也。

自崑山至于鍾山四百六十

里其間盡澤也是多奇鳥怪獸奇魚皆異物焉

又西北四百二十里曰鍾山其子曰鼓

此亦神名名之為鍾山之子耳

其類皆見歸藏啓筮

其狀如人面而龍身

啓筮曰麗山之子青羽人面馬身亦似此狀也

是與欽鵒

音邳

殺葆江于崑崙之陽

葆或作祖

帝乃戮之鍾山

之東曰嵯

音遙

崖欽鵒化為大鶚

鶚鵒屬也音鄂

其狀如鵒而黑

文白首赤喙而虎爪其音如晨鵒

晨鵒鵒屬猶云晨鳧耳說苑曰縹吠犬比

奉晨鳧也

見則有大兵鼓亦化為鷩鳥

音俊

其狀如鷩赤足而

直喙黃文而白首其音如鵒見則其邑大旱

穆天子傳云鍾山作

春字音同耳穆王北升此山以望四野曰鍾山是惟天下之高山也百獸之所聚飛鳥之所栖也爰有赤豹白虎

白鳥青鵬執犬羊食豕鹿穆王五日觀于鍾山乃為銘迹於玄圃之上以詔後世

又西百八十里曰泰器之山觀水出焉西流注于流沙

是多文鰩魚音遙狀如鯉魚魚身而鳥翼蒼丈而白首赤

喙常行西海遊於東海以夜飛其音如鸞雞鸞雞鳥名未詳也或

作樂其味酸甘食之已狂見則天下大穰豐穰收熟也韓子曰穰歲之秋

又西三百二十里曰槐江之山丘時之水出焉而北流

注于泐水其中多羸母即螺也其上多青雄黃多藏琅玕

黃金玉琅玕石似珠者藏猶隱也郎干二音其陽多丹粟其陰多采黃金



銀實惟帝之平圃

即玄圃也穆天子傳曰乃為銘迹於玄圃之上謂刊石紀功德如秦皇漢

武之為者也

神英招司之

司主也招音韶

其狀馬身而人面虎文而

鳥翼徇于四海

徇謂周行也

其音如榴

音留或作籀此所未詳也

南望崑

崑其光熊熊其氣魂魂

皆光氣炎盛相焜燿之貌

西望大澤后稷所

潛也

后稷生而靈知及其終化形遞此澤而為之神亦猶傳說騎箕尾也

其中多玉其陰

多榦木之有若

榦木大木也言其上復生若木大木之奇靈者為若見尸子國語曰榦木不生

花北望諸毗

山名槐鬼離侖居之

離侖其神名

鷹鷂之所宅也

鷂亦鷂屬也莊周曰鷂鷂甘鼠穆天子傳云鍾山上有白鳥青雕皆此族類也

東望恒山四成

成亦重也爾雅云再成曰英也

有窮鬼居之各在一搏

搏猶脅也言羣鬼各以類聚處

山四脅有窮其惣號耳搏一作搏

爰有淫水其清洛洛

水留下之貌也淫音遙也

有

天神焉其狀如牛而八足二首馬尾其音如勃皇

勃皇未詳

見則其邑有兵

西南四百里曰崑崙之丘是實惟帝之下都

天帝都邑之在下者

也穆天子傳曰吉日辛酉天子升于崑崙之丘以觀黃帝之宮而封豐隆之葬以詔後世言增封於崑崙山之

上神陸吾司之

即肩吾也莊周曰肩吾得之以處大山也

其神狀虎身而九

尾人面而虎爪是神也司天之九部及帝之囿時

主九城之

部界天帝苑  
園之時節也

有獸焉其狀如羊而四角名曰土騭是食

人有鳥焉其狀如蜂大如鴛鴦名曰欽原

欽或作爰  
或作至也

蠶

鳥獸則死蠹木則枯有鳥焉其名曰鵯鳥是司帝之百

服

服器服也一曰  
服事也或作藏

有木焉其狀如棠

棠梨也

華黃赤實其

味如李而無核名曰沙棠可以禦水食之使人不溺

言體

浮輕也沙棠為木不可得沉呂氏春秋曰果之美者沙  
棠之實銘曰安得沙棠刻以為舟泛彼滄海以遨以遊

有草焉名曰蕢草

音頻

其狀如葵其味如葱食之已勞

呂氏

春秋曰菜之美  
者崑崙之蘋

河水出焉

出山東  
北隅也

而南流東注于無達

山名赤水出焉

出山東南隅也

而東南流注于汜天之水

汜天亦山名赤

水所窮也穆天子傳曰遂宿于崑崙

之側赤水之陽陽水北也汜浮劔反

洋水出焉

出山西北隅或

作而西南流注于醜塗之水

醜塗亦山名也皆在南極穆天子傳曰戊辰濟洋水

又曰觴天

黑水出焉

亦出西北隅也

而西流于大杆

山名也穆天子傳曰

乃封長肱于黑水之西河是惟崑崙

是多怪鳥獸

謂有一獸九首

有一鳥六首之屬也

又西三百七十里曰樂游之山桃水出焉西流注于稷

澤是多白玉其中多鯪魚

音滑

其狀如蛇而四足是食魚

西水行四百里曰流沙二百里至于羸母之山神長乘

司之是天之九德也

九德九氣所生

其神狀如人而豹

之藥反

尾

其上多玉其下多青石而無水

又西三百五十里曰玉山是西王母所居也

此山多玉石因以名

云穆天子傳謂之羣玉之山見其山河無險四徹中繩先王之所謂策府寡草木無鳥獸穆王於是攻其玉石取玉石版三乘玉器服物載玉萬隻以歸雙玉為轂半轂為隻西王母其狀如人豹尾

虎齒而善嘯蓬髮戴勝

蓬頭亂髮勝玉勝也音麗

是司天之厲及五

殘

主知災厲五刑殘殺之氣也穆天子傳曰吉日甲子天子賓于西王母執玄圭白璧以見西王母獻錦組

百縷金玉百斤西王母再拜受之乙丑天子觴西王母于瑤池之上西王母為天子謠曰白雲在天山陵自出道里悠遠山川間之將子無死尚復能來天子畬之曰予還東土和理諸夏萬民均平吾顧見汝比及三年將復而野西王母又為天子吟曰徂彼西土爰居其所虎豹為羣鳥鵲與處嘉命不遷我惟帝女彼何世民又將去子吹笙鼓簧中心翱翔世民之子惟天之望天子遂驅升于奄山乃紀迹于奄山之石而樹之槐眉曰西王母之山奄山即崦嵫山也案竹書穆王五十七年西王母來見賓于昭宮舜時西王母遣使獻玉環見禮三朝有獸焉其狀如犬而豹文其角如牛或作羊其名曰狡其

音如吠犬見則其國大穰

晉太康七年邵陵扶夷縣檻得一獸狀如豹文有二角無

前兩脚時人謂之狡疑非此

有鳥焉其狀如翟而赤名曰胜遇

音是

食魚其音如錄

音綠義未詳

見則其國大水

又西四百八十里曰軒轅之丘無草木

黃帝居此丘娶西陵氏女因號

軒轅丘

洵水出焉

音詢

南流注于黑水其中多舟粟多青雄

黃

又西三百里曰積石之山其下有石門河水冒以西流

冒猶覆也積石山今在金城河門關西南羌中河水行塞外東入塞內

是山也萬物無不

有焉

水經引山海經云積石山在鄧林山東河所入也

又西二百里曰長留之山其神白帝少昊居之

少昊金天氏帝

號之其獸皆文尾

或作長

其鳥皆文首

文或作長

是多文玉石

實惟員神魄氏之宮

音魄

是神也主司反景

日西入則景反東照主司

察之

又西二百八十里曰章莪之山無草木多瑤碧

碧亦玉屬所

為甚怪

多有非常之怪

有獸焉其狀如赤豹五尾一角其音如

擊石其名如猗

京氏易義曰音如石相擊音靜

有鳥焉其狀如鶴一

足赤文青質而白喙名曰畢方其鳴自叫也見則其邑

有譌火

譌亦妖訛字



又西三百里曰陰山濁浴之水出焉而西流注于蕃澤

其中多文貝

餘泉蜺之類也見爾雅

有獸焉其狀如狸

或作豹

而白

首名曰天狗其音如榴榴

或作猫猫

可以禦凶

又西二百里曰符惕之山

音陽

其上多機栴下多金玉神

江疑居之是山也多怪雨風雲之所出也

又西二百二十里曰三危之山

今在燉煌郡尚書云三窳三苗于三危是也

青鳥居之是山也廣員百里

三青鳥主為西王母取食者別自棲息於此山也竹

書曰穆王西征至于青鳥所解也

其上有獸焉其狀如牛白身四角其

毫如披蓑

蓑辟雨之衣也音梭

其名曰微徊

微噓二音

是食人有鳥焉

一首而三身其狀如鸛其名曰鵠

鸛似雕黑文赤頸音洛下句或云扶狩則

短扶木則枯應在上欽原下脫錯在此耳

又西一百九十里曰騄山其上多玉而無石神耆童居

之

耆童老童顓頊之子

其音常如鐘磬其下多積蛇

又西三百五十里曰天山多金玉有青雄黃英水出焉

而西南流注于湯谷有神焉其狀如黃囊赤如丹火

體色

黃而精光赤也

六足四翼渾敦無面目是識歌舞實惟帝江也

夫形無全者則神自然靈照精無見者則闇與理會其  
帝江之謂乎莊生所云中央之帝混沌為條忽所鑿七  
竅而死者蓋假此以寓言也

又西二百九十里曰沕山沕音黝黑之黝神蓐收居之亦金神也人面

虎爪白尾執鉞見外傳云其上多嬰短之玉未詳其陽多瑾瑜之玉其

陰多青雄黃是山也西望日之所入其氣員日形員故其氣象亦

然也神紅光之所司也未聞其狀

西水行百里至于翼望之山或作土翠山無草木多金玉有

獸焉其狀如狸一目而三尾名曰謹謹音歡或作原其音如奪

百聲

言其能作百種物聲也或曰奪百物名亦所未詳

是可以禦凶服之已瘳

黃瘳病也音旦

有鳥焉其狀如烏三首六尾而善笑名曰鵲鵲

猗餘兩音

服之使人不厭

不厭夢也周書曰服者不昧音莫禮反或曰昧昧目也

又可

以禦凶

凡西次三經之首崇吾之山至于翼望之山凡二十三

山六千七百四十四里其神狀皆羊身人面其祠之禮

用一吉玉瘞

玉加采色者也尸子曰吉玉大龜

糝用稷米

西次四經之首曰陰山上多穀無石其草多茆蕃

茆蕝葵也

蕃青蕃似莎而陰水出焉西流注于洛  
大郊煩兩音

北五十里曰勞山多茈草

一名茈炭中染紫也

弱水出焉而西流

注于洛

西五十里曰罷父之山洱水出焉

音耳

而西流注于洛其

中多茈碧

北百七十里曰申山其上多穀柞其下多杻橦其陽多

金玉區水出焉而東流注于河

北二百里曰烏山其上多桑其下多楮其陰多鐵其陽

多玉辱水出焉而東流注于河

又北百二十里曰上申之山上無草木而多硤石

硤石硤大

石貌也

下多榛楛

榛子似栗而小味美楛木可以為箭詩云榛楛濟濟臻蛄兩音

其獸多

白鹿其鳥多當扈

或作尸

其狀如雉以其髯飛

髯咽下食須毛也

之不眴目

音眩

湯水出焉東流注于河

又北百八十里曰諸次之山諸次之水出焉而東流注

于河是山也多木無草鳥獸莫居是多衆蛇

又北百八十里曰號山其木多漆櫟

漆樹似櫟也

其草多葍

藟芎藭

藟白芷別名藟香草也芎藭一名江蘿藟音鳥較反

多冷石

冷或作端水金未詳

出焉而東流注于河

又北二百二十里曰孟山

音于

其陰多鐵其陽多銅其獸

多白狼白虎

外傳曰周穆王伐犬戎得四白狼白虎虎名魼魼

其鳥多白雉白

翟

或作白翠

生水出焉而東流注于河

西二百五十里曰白於之山上多松柏下多櫟檀

櫟即柞

其獸多牝牛羴羊其鳥多鵙

鵙似鳩而青色

洛水出于其陽而

東流注于渭夾水出于其陰東流注于生水

西北三百里曰申首之山無草木冬夏有雷申水出于其上潛于其下是多白玉

又西五十五里曰涇谷之山或無之山二字涇水出焉或以此為今涇

水未詳東南流注于渭是多白金白玉

又西百二十里曰剛山多柒木多瑇瑁之玉剛水出焉

北流注于渭是多神隗隗亦魑魅之類也音耻回反或作魏其狀人面獸

身一足一手其音如欽欽亦吟字假音

又西二百里至剛山之尾洛水出焉而北流注于河其



中多蠻蠻其狀鼠身而鼈首其音如吠犬

又西三百五十里曰英鞮之山上多漆木下多金玉鳥

獸盡白浣水出焉

浣或作浣音冤枉之冤

而北注于陵羊之澤是

多丹遺之魚魚身蛇首六足其目如馬耳食之使人不  
眛可以禦凶

又西三百里曰中曲之山其陽多玉其陰多雄黃白玉  
及金有獸焉其狀如馬而白身黑尾一角虎牙爪音如

鼓音其名曰駮是食虎豹

爾雅說駮不道有角及虎爪駮亦在畏狩畫中

可以

禦兵

養之辟兵刃也

有木焉其狀如棠而員葉赤實實大如木

瓜

木瓜如小瓜

名曰懷木

音懷

食之多力

尸子曰木食之人多為仁者名為若木此

類之

又西二百六十里曰邽山

音圭

其上有獸焉其狀如牛蝟

毛名曰窮奇音如獬狗是食人

或云似虎蝟毛有翼銘曰窮奇之獸厥形甚醜

馳逐妖邪莫不犇走濛水出焉

音蒙

南流注于洋水其中

多黃貝

貝甲出肉如科斗但有頭尾耳

羸魚

音螺

魚身而鳥翼音如鴛鴦

見則其邑大水

又西二百二十里曰鳥鼠同穴之山

今在隴西首陽縣西南山有鳥鼠同

穴鳥名曰鵯鼠名曰鼯鼯如人家鼠而短尾鵯似燕而黃色穿地入數尺鼠在內鳥在外而共處孔氏尚書傳曰共為雌雄張氏地理記云不為牝牡也其上多白虎白玉渭水出焉而東

流注于河

出山東至弘農華陰縣入河

其中多鰮魚

音騷

其狀如鱣魚

鱣魚大魚也口在頷下體有連甲也或作鮎鯉

動則其邑有大兵

或脫無從動則以下語者

濫水出于其西

音檻

西流注于漢水多鰮魮之魚

如玼兩音

其

狀如覆鉢鳥首而魚翼魚尾音如磬石之聲是生珠玉

亦珠母蚌類而能生出之

西南三百六十里曰崦嵫之山

日沒所入山也見離騷奄茲兩音

其上

多丹木其葉如穀其實大如瓜赤符而黑理食之已瘳

可以禦火其陽多龜其陰多玉茗

或作若

水出焉而西流

注于海

禹大傳曰涓盤之水出崦嵫山

其中多砥礪

磨石也精為砥礪為礪也

有獸

焉其狀馬身而鳥翼人面蛇尾是好舉人

喜抱人

名曰孰

湖有鳥焉其狀如鴉而人面雉身犬尾

雉獼猴屬也音贈遺之遺一音

誅見中山經尾又作皆

其名自號也

或作設設亦呼耳疑此脫誤

見則其邑大

旱

凡西次四經自陰山以下至於崦嵫之山凡十九山三千六百八十里其祠祀禮皆用一白鷄祈糝以稻米白菅為席

右西經之山志凡七十七山一萬七千五百一十七里

山海經卷二

欽定四庫全書

山海經卷三

晉 郭璞 撰

北山經

北山經之首曰單狐之山多杙木

杙木似榆可燒以糞  
稻田出蜀中音飢

其上多華草澧水出焉

音逢

而西流注于沔水其中多訖

石文石

又北二百五十里曰求如之山其上多銅其下多玉無

草木滑水出焉而西流注于諸毗之水

水出諸毗山也

其中多

滑魚其狀如鰕赤背

鰕魚似蛇音善

其音如梧

如人相枝梧聲音吾子之吾

食之已疣

疣贅也

其中多水馬其狀如馬文臂牛尾

臂前脚也

周禮曰馬黑脊而斑臂腰漢武元狩四年燉煌渥洼水出焉以為靈瑞者即此類也

其音如呼

如人

呼叫

又北三百里曰帶山其上多玉其下多青碧有獸焉其

狀如馬一角有錯

言角有甲錯也或作歷

其名曰臄疏

音歡

可以辟

火有鳥焉其狀如鳥五采而赤文名曰鵠鵠

上已有此鳥疑同名



是自為牝牡食之不疽

無癰疽病也

彭水出焉而西流注于

沱湖之水其中多儵魚

音由

其狀如雞而赤毛三尾六足

四首其音如鵲食之可以已憂

又北四百里曰譙明之山譙水出焉西流注于河其中

多何羅之魚一首而十身其音如吠犬食之已癰有獸

焉其狀如貍而赤豪

貍豪猪也音丸

其音如榴榴名曰孟槐可

以禦凶

辟凶邪氣也亦在畏狩畫中也

是山也無草木多青雄黃

一作多青

碧

又北三百五十里曰涿光之山囂水出焉而西流注于

河其中多鰐鰐之魚

音袴褶之褶

其狀如鵲而十翼鱗皆在

羽端其音如鵲可以禦火食之不痺其上多松柏其下

多櫟檀其獸多麋羊其鳥多蕃

未詳或云即鵲音煩

又北三百八十里曰號山其上多漆其下多桐

桐梧也

櫟橫木腫節中杖櫟音祛

其陽多玉其陰多鐵伊水出焉西流注于

河其獸多橐駝

有肉鞍善行流沙中日行三百里其負千斤知水泉所在也

其鳥多

寓狀如鼠而鳥翼其音如羊可以禦兵

又北四百里至于號山之尾其上多玉而無石魚水出  
焉西流注于河其中多文貝

又北二百里曰丹熏之山其上多檮柏其草多韭薤山

萊爾雅多丹腹熏水出焉而西流注于棠水有獸焉其

有其名

或作髯飛  
獬音豪

狀如鼠而兔首麋身其音如獬犬以其尾飛

名曰耳鼠食之不脉脉大腹也見又可以禦百毒

裨倉音采

又北二百八十里曰石者之山其上無草木多瑤碧泚

水出焉西流注于河有獸焉其狀如豹而文題白身題額

也名曰孟極是善伏其鳴自呼

又北百一十里曰邊春之山

或作春山

多蔥葵韭

山蔥名荈大葉

桃

李

山桃橈桃子小不解核也

杠水出焉而西流注于泐澤有獸焉其

狀如禺而文身善笑見人則卧

言佯眠也

名曰幽鷁

或作嬾嬾音

過其鳴自呼

又北二百里曰蔓聯之山

萬連二音

其上無草木有獸焉其

狀如禺而有鬣牛尾文臂馬蹄見人則呼名曰足訾其

鳴自呼有鳥焉羣居而朋飛

朋猶輩也

其毛如雌雉名曰鵠

音交或作渴也其鳴自呼食之已風

又北百八十里曰單張之山其上無草木有獸焉其狀如豹而長尾人首而牛耳一目名曰諸犍其鳴善吒

行則銜其尾居則蟠其尾有鳥焉其狀如雉而文首白

翼黃足名曰白鵠音夜食之已噬痛噬咽也穀梁傳曰噬不容粒今吳人呼咽

為隘音隘可以已痢痢癰病也櫟水出焉而南流注于杠水

又北三百二十里曰灌題之山其上多櫟柘其下多流

沙多砥有獸焉其狀如牛而白尾其音如訃訃音人呼喚

名曰那父有鳥焉其狀如雌雉而人面見人則躍躍名

曰竦斯其鳴自呼也匠韓之水出焉而西流注于泐澤

其中多磁石

可以取鐵管子曰山上有磁石者下必有銅音慈

又北二百里曰潘侯之山其上多松栢其下多榛楛其

陽多玉其陰多鐵有獸焉其狀如牛而四節生毛名曰

旄牛

今旄牛背膝及胡尾皆有長毛

邊水出焉而南流注于櫟澤

又北二百三十里曰小咸之山無草木冬夏有雪

北二百八十里曰大咸之山無草木其下多玉是山也

四方不可以上有蛇名曰長蛇其毛如菰豪

說者云長百尋今蝮

蛇色似艾綬文文間有毛如猪鬃此其類也常山亦有長蛇與此形不同

其音如鼓柝

如人行夜

敲木柝聲音託

又北三百二十里曰敦薨之山其上多櫟柟其下多茆

草敦薨之水出焉而西流注于泐澤出于崑崙之東北

隅實惟河源

即河水出崑崙之處

其中多赤鯪

今名鯪鮐為鯪魚音圭

其獸

多兕旄牛

或作撲牛撲牛見離騷天問所未詳

其鳥多鴈鳩

又北二百里曰少咸之山無草木多青碧有獸焉其狀

如牛而赤身人面馬足名曰窵窵

爾雅云窵窵似狔虎爪與此錯軌愈二音

其音如嬰兒是食人敦水出焉東流注于鴈門之水

出水

鴈門山間

其中多鮪鮪之魚

音沛未詳或作鮪

食之殺人

又北二百里曰獄法之山滾澤之水出焉

音懷

而東北流

注于秦澤其中多鰈魚

音藻

其狀如鯉而雞足食之已疣

有獸焉其狀如犬而人面善投見人則笑其名山獬

音暉

其行如風

言疾

見則天下大風

又北二百里曰北嶽之山多枳棘剛木

檀柘之木

有獸焉其



狀如牛而四角人目彘耳其名曰諸懷其音如鳴鴈是  
食人諸懷之水出焉而西流注于囂水其中多鮪魚音  
魚身而犬首其音如嬰兒今海中有虎鹿魚及海狶體皆如魚面頭似虎鹿猪此其  
類也食之已狂

又北百八十里曰渾夕之山無草木多銅玉囂水出焉  
而西北流注于海有蛇一首兩身名曰肥遺見則其國

大旱管子曰涸水之精名曰螭一頭而兩身其狀如蛇長八尺以其名呼之可使取魚龜亦此類

又北五十里曰北單之山無草木多葱韭

又北百里曰羆差之山無草木多馬

野馬也似馬而小

又北百八十里曰北鮮之山是多馬鮮水出焉而西北

流注于涂吾之水

漢元狩二年馬出涂吾水中也

又北百七十里曰隄山

或作隄古字耳

多馬有獸焉其狀如豹

而文首名曰猼訑音隄水出焉而東流注于泰澤其中多

龍龜

凡北山經之首自單狐之山至于隄山凡二十五山五

千四百九十里其神皆人面蛇身其祠之毛用一雄雞

疏瘞吉玉用一珪瘞而不糝

言祭不用米皆埋其所用牲玉

其山北人

皆生食不火之物

或作皆生食而不火

北次二經之首在河之東其首枕汾

臨汾水上也音墳

其名曰

管涔之山

今在太原郡故汾陽縣北秀容山涔音岑

其上無木而多草其下

多玉汾水出焉而西流注于河

至汾陽縣北西入河

又西二百五十里曰少陽之山其上多玉其下多赤銀

銀之精也

酸水出焉而東流注于汾水其中多美赭

管子曰山上有

赭者其

下有鐵

又北五十里曰縣雍之山

今在晉陽縣西名汲甕雍音甕

其上多玉其

下多銅其獸多閭麋

閭即羴也似驢而歧蹄角如麋羊一名山驢周禮曰北唐以閭亦見

鄉射禮

其鳥多白翟白鵠

即白鵠也音于六反

晉水出焉而東南流

注于汾水

東過晉陽南又東入汾

其中多紫魚其狀如鯀而赤鱗

小魚曰鯀

其音如叱食之不驕

或作騷騷臭也

又北二百里曰狐岐之山無草木多青碧勝水出焉而

東北流注于汾水其中多蒼玉

又北三百五十里曰白沙山廣員三百里盡沙也無草

木鳥獸鮪水出于其上潛于其下

出山之頂停其底也

是多白玉

又北四百里曰爾是之山無草木無水

又北三百八十里曰狂山無草木是山也冬夏有雪狂水出焉而西流注于浮水其中多美玉

又北三百八十里曰諸餘之山其上多銅玉其下多松栢諸餘之水出焉而東流注于旄水

又北三百五十里曰敦頭之山其上多金玉無草木旄水出焉而東流注于印澤其中多騊馬

音牛尾而白身

一角其音如呼

又北三百五十里曰鈎吾之山其上多玉其下多銅有

獸焉其狀如羊身人面其目在腋下虎齒人爪其音如

嬰兒名曰狍鴝是食人

為物貪淋食人未盡還害其身像在夏鼎左傳所謂饕餮是也

咆抱音

又北三百里曰北囂之山無石其陽多碧其陰多玉有

獸焉其狀如虎而白身犬首馬尾羆鬣名曰獨狝

音有谷

鳥焉其狀如鳥人面名曰鷩鷩

般冒兩音或作夏也

宵飛而晝伏

鵠鷗食之已暍中熱也音謁涔水出焉而東流注于邛澤

又北三百五十里曰梁渠之山無草木多金玉脩水出

焉而東流注于鴈門水名其獸多居暨其狀如橐而赤毛

橐似鼠赤毛如刺猬也橐音渭其音如豚有鳥焉其狀如夸父或作四舉父

翼一目犬尾名曰囂其音如鵲食之已腹痛可以止衄

治洞下也音洞

又北四百里曰姑灌之山無草木是山也冬夏有雪

又北三百八十里曰湖灌之山其陽多玉其陰多碧多

馬湖灌之水出焉而東流注于海其中多鮠亦鯪魚字有木

焉其葉如柳而赤理

又北水行五百里流沙三百里至于洹山其上多金玉  
三桑生之其樹皆無枝其高百仞百果樹生之其下多  
怪蛇

又北三百里曰敦題之山無草木多金玉是錞于北海  
凡北次二經之首自管涔之山至于敦題之山凡十七  
山五千六百九十里其神皆蛇身人面其祠毛用一雄



雞羆瘞

埋之

用一璧一珪投而不精

撻玉於山中以禮神不理之也

北次三經之首曰太行之山

今在河內野王縣西北行音戶剛反

其首曰

歸山其上有金玉其下有碧有獸焉其狀如麋羊而四

角馬尾而有距其名曰騂善還

還旋旋儻也騂音暉

其鳴自訃有

鳥焉其狀如鵲白身赤尾六足其名曰鷮

音犇

是善驚其

鳴自訃

今吳人謂呼為訃音呼交反

又東北二百里曰龍侯之山無草木多金玉決決之水

出焉

音訣

而東流注于河其中多人魚其狀如鯢魚四足

其音如嬰兒

鮓見中山經或曰人魚即鮓也似鮓而食四足聲如小兒啼今亦呼鮓為鮓音蹄

之無癡疾

又東北二百里曰馬成之山其上多文石其陰多金玉

有獸焉其狀如白犬而黑頭見人則飛

言肉翅飛行自在其名

曰天馬其鳴自訃有鳥焉其狀如鳥首白而身青足黃

是名曰鷓鷯

屈居二音或作鳴

其鳴自說食之不飢可以已寓

未詳或曰寓猶誤也

又東北七十里曰咸山其上多玉其下多銅是多松柏

草多苳草條管之水出焉

管音間

而西南流注于長澤其

中多器酸三歲一成

所未詳也

食之已癘

又東北二百里曰天池之山其上無草木多文石有獸

焉其狀如兔而鼠首以其背飛

用其背上毛飛飛則仰也

其名曰飛

鼠澠水出焉潛于其下

停山底也

其中多黃堊

堊土也

又東三百里曰陽山其上多玉其下多金銅有獸焉其

狀如牛而赤尾其頸腎其狀如句瞿

言頸上有肉腎句瞿牛也音劬

其

名曰領胡其鳴自談食之已狂有鳥焉其狀如雌雉而

五彩以文是自為牝牡名曰象蛇其鳴自說留水出焉而南流注于河其中有鮎父之魚音其狀如鮒魚魚首而斃身食之已嘔

又東三百五十里曰賁聞之山其上多蒼玉其下多黃堊多湟石

又北百里曰王屋之山

今在河東東垣縣北書曰至于王屋也

是多石澗

水出焉

澗音輦

而西北流注于泰澤

地理志王屋山沆水所出澗沆聲相近殆

一水耳沆則濟澗也

又東北三百里曰教山其上多玉而無石教水出焉西

流注于河是水冬乾而夏流實惟乾河

今河東聞喜縣東北有乾河口

因名乾河里但有故溝處無復水即是也

其中有兩山是山也廣員三百步

其名曰發丸之山其上有金玉

又南三百里曰景山

外傳曰景霍以為城

南望鹽販之澤

即鹽池也今在

河東猗氏縣或無販字

北望少澤其上多草諸蘩

根似羊蹄可食曙豫二音今江

南單呼為諸音儲語有輕重耳

其草多秦椒

子似椒而細葉草也

其陰多赭其陽

多玉有鳥焉其狀如蛇而四翼六目三足名曰酸與其

鳴自諉見則其邑有恐

或曰食之不醉

又東南三百二十里曰孟門之山

尸子曰龍門未辟呂梁未鑿河出於孟門

之上大溢逆流無有丘陵高阜滅之名曰洪水穆天子傳曰北升孟門九河之澄

其上多蒼玉

多金其下多黃堊多涅石

又東南三百二十里曰平山平水出于其上潛于其下

是多美玉

又東二百里曰京山有美玉多漆木多竹其陽有赤銅

其陰有玄礪

黑砥名也尸子曰加玄黃砥明色非一也礪音竹篠之篠

高水出焉南

流注于河

又東二百里曰虫尾之山其上多金玉其下多竹多青

碧丹水出焉南流注于河薄水出焉

淮南子曰薄水出鮮于山而東

南流注于黃澤

又東三百里曰彭毗之山其上無草木多金玉其下多

水蚤林之水出焉

音早

東南流注于河肥水出焉而南流

注于牀水其中多肥遺之蛇

又東百八十里曰小侯之山明漳之水出焉南流注于

黃澤有鳥焉其狀如鳥而白文名曰鵠鵠姑習二音食之不

澹不照目也或作瞬音醺

又東三百七十里曰泰頭之山其水出焉音恭南注于虜

沱呼佗二音下同其上多金玉其下多竹箭

又東北二百里曰軒轅之山其上多銅其下多竹有鳥焉其狀如梟而白首其名曰黃鳥其鳴自詒食之不妬

又北二百里曰謁戾之山今在上黨郡涅縣其上多松栢有金

玉沁水出焉南流注于河至滎陽縣東北入河或出穀述縣羊頭山也其東



有林焉名曰丹林丹林之水出焉南流注于河嬰侯之

水出焉北流注于汜水

東三百里曰沮洳之山

詩云彼汾沮洳

無草木有金玉瀑水出

焉音其南流注于河

今淇水出汲郡隆慮縣大號山東過河內縣南為白溝

又北三百里曰神囷之山

音如倉囷之囷

其上有文石其下有

白蛇有飛蟲黃水出焉而東流注于洹

洹水出汲郡林慮縣東北至魏

郡長樂入清

滏水出焉而東流注于歐水

滏水今出臨水縣西滏口

山經鄴西北至列人縣入于漳其水熱

又北二百里曰發鳩之山

今在上黨郡長子縣西

其上多柘木有

鳥焉其狀如烏文首白喙赤足名曰精衛其鳴自詒是

炎帝之少女名曰女娃

炎帝神農也女娃佳反語誤或作階

女娃遊于東

海溺而不返故為精衛常銜西山之木石以堙于東海

堙塞也

漳水出焉

濁漳音章

東流注于河

或曰出長子縣鹿谷山而東至鄴入

清漳

又東北百二十里曰少山

今在樂平郡沽縣沽縣故屬上黨

其上有金

玉其下有銅清漳之水出焉東流于濁漳之水

清漳出少山大

繩谷至武安縣南暴宮邑入于濁漳或曰東北至邑城入于大河也

又東北二百里曰錫山其上多玉其下有砥牛首之水出焉而東流注于滏水

又北二百里曰景山有美玉景水出焉東南流注于海澤

又北百里曰題首之山有玉焉多石無水

又北百里曰繡山其上有玉青碧其木多栲木中枚也音苟其

草多芍藥芎藭

芍藥一名辛夷亦香草屬

洧水出焉而東流注于河

其中有鰽

鰽似鮎而大白也

黿

黿似蝦蟆小而青或曰鰽黿一物名耳

又北百二十里曰松山陽水出焉東北流注于河

又北百二十里曰敦與之山其上無草木有金玉漆水

出于其陽

音悉各反

而東流注于泰陸之水

大陸水今鉅鹿北廣平澤即其

水泝水出于其陰

音抵肆反

而東流注于彭水

今泝水出中丘縣西窮泉

谷東注于堂陽縣入于漳水

槐水出焉而東流注于泝澤

又北百七十里曰柘山其陽有金玉其陰有鐵歷聚之

水出焉而北流注于洧水

又北三百里曰維龍之山其上有碧玉其陽有金其陰

有鐵肥水出焉而東流注于臯澤其中多礪石

未詳也音雷或

作壘礪壘大石貌或曰石名

敞鐵之水出焉而北流注于大澤

又北百八十里曰白馬之山其陽多石玉其陰多鐵多

赤銅木馬之水出焉而東北流注于庠沱

呼沱二音

又北二百里曰空桑之山無草木

上已有此山疑同名也

冬夏有

雪空桑之水出焉東流注于庠沱

又北三百里曰泰戲之山無草木多金玉有獸焉其狀

流注于虡沱其木多櫟其草多條漚水出焉音寇東流注

于河

過博陵縣南又東北入于易水

又北三百里曰陸山多美玉鄴水出焉或作郟水而東流注

于河

又北二百里曰沂山

音祈

般水出焉

音盤

而東流注于河

北百二十里曰燕山多嬰石

言石似玉有符彩嬰帶所謂燕石者

燕水出

焉東流注于河

又北山行五百里水行五百里至于饒山是無草木多

如羊一角一目目在耳後其名曰辣辣

音屋棟之棟

其鳴自

訃虜沱之水出焉

今虜沱水出鴈門鹵成縣南武夫山

而東流注于淩水

音樓

液女之水出于其陽南流注于沁水

液音悅懌之懌

又北三百里曰石山多藏金玉濩濩之水出焉

濩音尺蠖之蠖

而東流注于虜沱鮮于之水出焉而南流注于虜沱

又北二百里曰童戎之山臯涂之水出焉而東流注于

淩液水

又北三百里曰高是之山

今在北地靈丘縣

滋水出焉

音慈而南

瑤碧其獸多橐駝其鳥多鷗

未詳或曰鷗鵠也

歷號之水出焉

而東流注于河其中有師魚食之殺人

未詳或作鯢

又北四百里曰乾山無草木其陽有金玉其陰有鐵而

無水有獸焉其狀如牛而三足其名曰獬

音元

其鳴自詖

又北五百里曰倫山倫水出焉而東流注于河有獸焉

其狀如麋其川在尾上

川竅也

其名曰羆

又北五百里曰碣石之山

水經曰碣石山今在遼西臨渝縣南水中或曰在右北平

驪城縣海邊山繩水出焉而東流注于河其中多蒲夷之魚

未詳



其上有玉其下多青碧

又北水行五百里至于鴈門之山無草木

鴈門山即北陵西隄鴈之

所出因以名

云在高柳北

又北水行四百里至于泰澤其中有山焉曰帝都之山

廣員百里無草木有金玉

又北五百里曰鐔于毋逢之山北望雞號之山其風如

飈

飈急風貌也音戾或云飄風也

西望幽都之山浴水出焉

浴即黑水也

是

有大蛇赤首白身其音如牛見則其邑大旱

凡北次三經之首自太行之山以至于毋逢之山凡四

十六山萬二千三百五十里其神狀皆馬身而人面者

二十神其祠之皆用一藻茝瘞之

藻聚藻茝香草蘭之類音昌代反

其十

四神狀皆龍身而載玉其祠之皆玉不瘞

不埋所用玉也

其十

神狀皆龍身而八足蛇尾其祠之皆用一璧瘞之大凡

四十四神皆用稌糝米祠之此皆不火食

右北經之山志凡八十七山二萬三千二百三十里

山海經卷三

# 欽定四庫全書

子部

山海經卷五

詳校官侍郎臣謝墉

侍讀臣孫球覆勘

總校官進士臣朱鈴

校對官中書臣高中

謄錄監生臣黃鵠

欽定四庫全書

山海經卷四

東山經

晉 郭璞 撰

東山經之首曰檉蟲之山

遠殊二音

北臨乾昧

亦山名也音妹

食水

出焉而東北流注于海其中多鰮鰮之魚

音容

其狀如犁

牛牛似虎其音如鼃鳴

又南三百里曰崑山

音誅

其上有玉其下有金湖水出焉

東流注于食水其中多活師

科斗也爾雅謂之活東

又南三百里曰枸狀之山其上多金玉其下多青碧石

有獸焉其狀如犬六足其名曰從從其鳴自說有鳥焉

其狀如雞而鼠毛其名曰蜚鼠

音見則其邑大旱泚水

出焉

音枳

而北流注于湖水其中多箴魚其狀如鱗其喙

如箴

出東海今江東水中亦有之

食之無疫疾

又南三百里曰勃堇之山無草木無水

又南三百里曰番條之山無草木多沙減水出焉

音同減損

減之北流注于海其中多鰾魚

一名黃鰾音感

又南四百里曰姑兒之山其上多漆其下多桑柘姑兒之水出焉北流注于海其中多鰾魚

又南四百里曰高氏之山其上多玉其下多箴石

可以為砥

針治癰腫者

諸繩之水出焉東流注于澤其中多金玉

又南三百里曰嶽山其上多桑其下多櫟灤水出焉

音樂

東流注于澤其中多金玉

又南三百里曰豺山其上無草木其下多水其中多堪

予之魚

未詳音序

有獸焉其狀如夸父而彘毛其音如呼見

則天下大水

又南三百里曰獨山其上多金玉其下多美石末塗之

水出焉而東南流注于沔其中多條虺

條容二音

其狀如黃

蛇魚翼出入有光見則其邑大旱

又南三百里曰泰山

即東嶽岱宗也今在泰山奉高縣西北從山下至頂四十八里三百

步其上多玉其下多金有獸焉其狀如豚而有珠名曰

狇

音如吟之桐

其鳴自訕環水出焉東流注于江

一作其海

中多水玉

又南三百里曰竹山錡于江

一作涯

無草木多瑤碧激水

出焉而東南流注于娶檀之水其中多茝羸

凡東山經之首自嶽螽之山以至于竹山凡十二山三

千六百里其神狀皆人身龍首祠毛用一犬祈聃用魚

以血塗祭為聃也公羊傳云蓋叩其鼻以聃社音鉤餌之餌

東次二經之首曰空桑之山

此山出琴瑟材見周禮也

北臨食水東

望沮吳南望沙陵西望濬澤

音是

有獸焉其狀如牛而虎



文其音如欽或作吟其名曰軫軫音靈其鳴自叫見則天下

大水

又南六百里曰曹夕之山其下多谷而無水多鳥獸

又西南四百里曰嶧臯之山音亦其上多金玉其下多白

堊嶧臯之水出焉東流注于激女之水其中多蜃珧蜃蛸

也珧玉珧亦蚌屬腎遙兩音

又南水行五百里流沙三百里至于葛山之尾無草木

多砥礪

又南三百八十里曰葛山之首無草木澧水出焉禮音東

流注于余澤其中多珠蟹魚音其狀如肺而有目六足

有珠其味酸甘食之無癘

無時氣病也呂氏春秋曰澧水之魚名曰朱蟹六足有珠

魚之美也

又南三百八十里曰餘莪之山其上多梓枏其下多荆

芑雜余之水出焉東流注于黃水有獸焉其狀如兔而

鳥喙鵠目蛇尾見人則眠

言佯死也

名曰狢狢

仇餘二音

其鳴自

訕見則螽蝗為敗

螽蝗類也言傷敗田苗音終

又南三百里曰杜父之山無草木多水

又南三百里曰耿山無草木多水碧玉亦水類多大蛇有獸

焉其狀如狐而魚翼其名曰朱孺音儒其鳴自叫見則其

國有恐

又南三百里曰盧其之山無草木多沙石沙水出焉南

流注于涔水其中多鵲鳩音黎其狀如鴛鴦而人足其鳴

自訶見則其國多土功今鞞胡足頗有似人腳形狀也

又南三百八十里曰姑射之山無草木多水

又南水行三百里流沙百里曰北姑射之山無草木多

石

又南三百里曰南姑射之山無草木多水

又南三百里曰碧山無草木多大蛇多碧水玉

又南五百里曰維氏之山無草木多金玉原水出焉東

流注于沙澤

一名俠氏之山

又南三百里曰姑逢之山無草木多金玉有獸焉其狀

如狐而有翼其音如鴻鴈其名曰獬獬

音斃

見則天下大

旱

又南五百里曰鳧麗之山其上有金玉其下多箴石有獸焉其狀如狐而九尾九首虎爪名曰鰐姪龍姪二音其音如嬰兒是食人

又南五百里曰礪山音一真反南臨礪水東望湖澤有獸焉

其狀如馬而羊目四角牛尾其音如獐狗其名曰筱筱

音攸見則其國多狡客狡狡猶也有鳥焉其狀如鳧而鼠尾善

登木其名曰絜鉤見則其國多疫

凡東次二經之首自空桑之山至于礪山凡十七山六千六百四十里其神狀皆獸身人面載觚麋鹿屬角為觚音格其祠毛用一雞祈嬰用一璧瘞

又東次三經之首曰尸胡之山北望殫山音詳其上多金

玉其下多棘有獸焉其狀如麋而魚目名曰嫫胡音婉其

鳴自訇

又南水行八百里曰岐山其木多桃李其獸多虎

又南水行五百里曰諸鉤之山無草木多沙石是山也

廣員百里多寐魚

即鮓魚  
音味

又南水行七百里曰中父之山無草木多沙

又東水行千里曰胡射之山無草木多沙石

又南水行七百里曰孟子之山其木多梓桐多桃李其

草多菌蒲

未詳音  
晒之睭

其獸多麋鹿是山也廣員百里其

上有水出焉名曰碧陽其中多鱣鮪

鮪即鱣也似鱣而  
長鼻體無鱗甲別

名鮪一  
名鱣也

又南水行五百里曰流沙行五百里有山焉曰跂踵之

山歧音企

廣員二百里無草木有大蛇其上多玉有水焉

廣員四十里皆涌

今河東汾陰縣有漢水源在地底湧出其深無限即此類也

其

名曰深澤其中多蠺龜

蠺紫蠺大龜也甲有文彩似璆瑁而薄音遺知反

有魚

焉其狀如鯉而六足鳥尾名曰鯨鯨之魚

音蛤其鳴自叫

又南水行九百里曰踰隅之山

音敏字

其上多草木多金

玉多赭有獸焉其狀如牛而馬尾名曰精精其鳴自叫

又南水行五百里流沙三百里至于無臯之山南望幼

海

即少海也淮南子曰東方大渚曰少海

東望博木

扶桑二音

無草木多風是



山也廣員百里

凡東次三經之首自尸胡之山至于無臯之山凡九山  
六千九百里其神狀皆人身而羊角其祠用一牡羊米  
用黍是神也見則風雨水為敗

又東次四經之首曰北號之山臨于北海有木焉其狀  
如楊赤華其實如棗而無核其味酸甘食之不癰食水  
出焉而東北流注于海有獸焉其狀如狼赤首鼠目其  
音如豚名曰獨狙葛音是食人有鳥焉其狀如雞而白

首鼠足而虎爪其名曰魋

音祈

雀亦食人

又南三百里曰旄山無草木蒼體之水出焉而西流注

于展水其中多鱣魚

今蝦鱣字亦或作鱣秋音

其狀如鯉而大首食

者不疣

又南三百二十里曰東始之山上多蒼玉有木焉其狀

如楊而赤理其汁如血不實其名曰芭

音起

可以服馬

以汁

塗之則良泚水出焉而東北流注于海其中多美貝多茈

魚其狀如鮒一首而十身其臭如蘼蕪食之不糲

孚謂反止

失氣也

又東南三百里曰女烝之山其上無草木石膏水出焉而西注于禺水其中多薄魚其狀如鱣魚而一目其音如歐

如人嘔吐聲也

見則天下大旱

又東南二百里曰欽山多金玉而無石師水出焉而北流注于臯澤其中多鱣魚多文貝有獸焉其狀如豚而有牙其名曰當康其鳴自叫見則天下大穰

又東南二百里曰子桐之山子桐之水出焉而西流注

于餘如之澤其中多鰈魚音滑其狀如魚而鳥翼出入有

光其音如鴛鴦見則天下大旱

又東北二百里曰剡山多金玉有獸焉其狀如彘而人

面黃身而赤尾其名曰合窳音庾其音如嬰兒是獸也食

人亦食蟲蛇見則天下大水

又東二百里曰太山上多金玉楨木

女楨也葉冬不凋

有獸焉

其狀如牛而白首一目而蛇尾其名曰蜚

音如翡翠之翡

行水

則竭行草則死見則天下大疫

言其體含災氣也其銘曰蜚之為名體似無害

所經枯竭甚於鵠厲  
萬物斯懼思爾遐逝  
多鱣魚  
鈞水出焉而北流注于勞水其中

凡東次四經之首自北號之山至于太山凡八山一千七百二十里

右東經之山志凡四十六山萬八千八百六十里

山海經卷四

欽定四庫全書

山海經卷五

晉 郭璞 撰

中山經

中山經薄山之首曰甘棗之山共水出焉音恭而西流注

于河其上多杻木其下有草焉葵本而杏葉或作楷葉黃華

而莢實名曰籜他落反可以已瞢音盲有獸焉其狀如獸鼠

而文題獸鼠所未詳音其名曰𪔐音那或作熊也食之已癭

又東二十里曰歷兒之山其上多樗多櫟木音厲是木也

方莖而員葉黃華而毛其實如楝

楝木名子如指頭白而粘可以浣衣也音

練或作簡服之不忘

又東十五里曰渠豬之山其上多竹渠豬之水出焉而

南流注于河其中是多豪魚狀如鮪

鮪似鱸也

赤喙尾赤羽

可以已白癬

又東三十五里曰葱嶺之山其中多大谷是多白堊黑

青黃堊

言有雜色堊也

又東十五里曰淩山音倭其上多赤銅其陰多鐵

又東七十里曰脫扈之山有草焉其狀如葵葉而赤華

莢實實如櫟莢

今櫟木莢似皂莢也

名曰植楮可以已癰

癰病也淮南子

曰狸頭已癰也食之不昧

又東二十里曰金星之山多天嬰其狀如龍骨可以已

瘞

癰瘞也

又東七十里曰泰威之山其中有谷曰臬谷其中多鐵

或無谷字



又東十五里曰檀谷之山其中多赤銅

或作檀谷之山

又東百二十里曰吳林之山其中多蕞草

亦管字

又北三十里曰牛首之山

今長安西南有牛首山上有館下有水未知此是非

有

草焉名曰鬼草其葉如葵而赤莖其秀如禾服之不憂

勞水出焉而西流注于滴水

音如謫詐之謫

是多飛魚其狀如

鮒魚食之已痔衄

又北四十里曰霍山

今平陽永安縣廬江潯縣晉安羅江縣河南鞏縣皆有霍山明山以

霍為名者非一矣按爾雅大山統小山為霍

其水多穀有獸焉其狀如狸而

白尾有鬣名曰肫肫養之可以已憂

謂蓄養之也  
音昧反

又北五十二里曰合谷之山是多蔭棘

未詳  
音瞻

又北三十五里曰陰山

亦曰險山

多礪石文石

礪石石中磨者

少水

出焉其中多彫棠其葉如榆葉而方其實如赤菽菽豆食

之已聾

又東北四百里曰鼓鐙之山多赤銅有草焉名曰榮草

其葉如柳其本如雞卵食之已風

凡薄山之首自甘肅之山至于鼓鐙之山凡十五山六

千六百七十里歷兒冢也其祠禮毛太牢之具縣以吉

玉

縣祭山之名也見爾雅

其餘十三山者毛用一羊縣嬰用桑封

瘞而不糝桑封者桑主也方其下而銳其上而中穿之

加金

言作神主而祭以金銀飾之也公羊傳曰虞主用桑主或作玉

中次二經濟山之首曰煇諸之山其上多桑其獸多問

麋其鳥多鵒

似雉而大青色有毛勇健鬪死乃止音曷出上黨也

又西南二百里曰發視之山其上多金玉其下多砥礪

即魚之水出焉而西流注于伊水

又西三百里曰豪山其上多金玉而無草木

又西三百里曰鮮山多金玉無草木鮮水出焉而北流注于伊水其中多鳴蛇其狀如蛇而四翼其音如磬見則其邑大旱

又西三百里曰陽山多石無草木陽水出焉而北流注于伊水其中多化蛇其狀如人面而豺身鳥翼而蛇行其音如叱呼見則其邑大水

又西二百里曰昆吾之山其上多赤銅

此山出名銅色赤如火以之作

刀切玉如割泥也周穆王時西戎獻之尸子所謂昆吾之劍也越絕書曰赤堇之山破而出錫若邪之谷涸而出銅歐冶子因以為純鉤之劍汲郡冢中得銅劍一枝長三尺五寸乃今所名為干將劍汲郡亦皆非鐵也明古者通以錫雜銅為兵器也

有獸焉其狀如彘而有角其音如號

如人

號名曰蜺

上已有此獸疑同名

食之不昧

又西百二十里曰茲

音間

茲水出焉而北流注于伊水

其上多金玉其下多青雄黃有木焉其狀如棠而赤葉

名曰芒草

音忘

可以毒魚

又西一百五十里曰獨蘇之山上無草木而多水

又西二百里曰蔓渠之山其上多金玉其下多竹箭伊

水出焉而東流注于洛

今伊水出上洛盧氏縣熊耳山東北至河南洛陽縣入洛

有

獸焉其名曰馬腹其狀如人面虎身其音如嬰兒是食人

凡濟山經之首自煇諸之山至于蔓渠之山凡九山一

千六百七十里其神皆人面而鳥身祠用毛

擇用毛色用一

吉玉投而不糝

中次三經貧山之首曰敖岸之山

或作獻其音倍

其陽多璆琕

之玉其陰多赭黃金神熏池居之是常出美玉

或作北石

望河林其狀如蒨如舉

說者云蒨舉皆木名也未詳蒨音倩

有獸焉其狀

如白鹿而四角名曰夫諸見則其邑大水

又東十里曰青要之山實維帝之密都

天帝曲密之邑

北望河

曲

河千里一曲一直也

是多駕鳥

未詳也或曰駕宜為駕駕鶩也音加

南望殫渚

水中

小洲名渚殫音填

禹父之所化

鯀化於羽淵為黃熊今復云在此然則一已有變怪之性者亦

無往而是不化也

是多僕累蒲盧

僕累蝸牛也爾雅曰蒲盧者螟蛉也

魍武羅司之

武羅神名魍即神字

其狀人面而豹文小腰而白齒

或作首

而穿耳

以鑠鑠金銀器之名

其鳴如鳴玉

玉如人鳴聲

是山也宜女

子畛水出焉

音軫

而北流注于河其中有鳥焉名曰鵯

音如

窈窕

其狀如鳧青身而朱目赤尾食之宜子

朱淺赤也

有草

焉其狀如薺

管似茅也

而方莖黃華赤實其本如藁本

根似藁本

亦香

名曰荀草

或曰苞草

服之美人色

令人更美艷

又東十里曰騄山

音巍

其上有美棗其陰有璵璠之玉正

回之水出焉而北流注于河其中多飛魚其狀如豚而

赤文服之不畏雷可以禦兵



又東四十里曰宜蘇之山其上多金玉其下多蔓居之

木未詳瀟瀟之水出焉音容而北流注于河是多黃貝

又東二十里曰和山其上無草木而多瑤碧實惟河之

九都九水所潛故曰九都是山也五曲曲回五重九水出焉合而北流

注于河其中多蒼玉吉神泰逢司之吉猶善也其狀如人而

虎尾或作隼尾是好居于萑山之陽出入有光太逢神動天

地氣也言其有靈爽能興雲雨也夏后孔甲田於萑山之下天大風晦冥孔甲迷惑入于民室見呂氏

春秋也

凡萑山之首自敖岸之山至于和山凡五山四百四十

里其祠太逢熏池武羅皆一牡羊副

副謂破羊骨磔之以祭也見周禮音

惇惇之幅惇嬰用吉玉其二神用一雄鷄瘞之糝用稌

中次四經釐山之首

音狸

曰鹿蹄之山其上多玉其下多

金甘水出焉而北流注于洛其中多冷石

冷石未聞也冷或作涂

西五十里曰扶豬之山其上多礪石

音栗今鴈門山中出礪石白者如水

水中有赤色者

有獸焉其狀如貉而人目

貉或作獠古字

其名曰麇

音銀

或作麇

號水出焉而北流注于洛其中多礪石

言亦出水中

又西一百二十里曰釐山其陽多玉其陰多菟

音搜茅菟今之

菟草也

有獸焉其狀如牛蒼身其音如嬰兒是食人其名

曰犀渠瀟瀟之水出焉而南流注于伊水有獸焉名曰

獼

音蒼頡之頡

其狀如獬犬而有鱗其毛如毳鬣

生鱗間也

又西二百里曰箕尾之山多穀多涂石其上多璵璠之

玉

又西二百五十里曰柄山其上多玉其下多銅涵雕之

水出焉而北流注于洛其中多羝羊有木焉其狀如樗

其葉如桐而莢實其名曰芡可以毒魚

芡一作艾

又西二百里曰白邊之山其上多金玉其下多青雄黃

又西二百里曰熊耳之山

今在上洛縣南

其上多漆其下多機

浮濠之水出焉而西流注于洛其中多水玉多人魚有

草焉其狀如蘇而赤華名曰葶藶

葶寧町聃二音

可以毒魚

又西三百里曰牡山其上多文石其下多竹箭竹簞其

獸多牝牛羝羊鳥多赤鷩

音閉即鷩雉也

又西三百五十里曰灌舉之山雒水出焉而東北流注

于玄扈之水其中多馬腸之物此二山者洛間也

洛水今出

上洛縣冢嶺山河圖曰玄扈洛汭謂此間也

凡釐山之首自鹿蹄之山至于玄扈之山凡九山千六

百七十里其神狀皆人面獸身其祠之毛用一白雞祈

而不糝

言直以彩衣之

以彩飾雞

中次五經薄山之首曰苟牀之山

或作苟林山

無草木多怪

石

怪石似玉也書曰鉛松怪石也

東三百里曰首山其陰多穀柞草多茱萸

茱萸山薊也其茱萸中藥

陽多瑇瑁之玉木多槐其陰有谷曰机谷多馱鳥音如鉗

之其狀如梟而三目有耳其音如錄食之已墊未聞

又東三百里曰縣斷之山音如斤斷之斷無草木多文石

又東二百里曰葱嶺之山無草木多摩石未詳

東北五百里曰條谷之山其木多槐桐其草多芍藥薺

冬本草經曰薺冬一名滿冬今作門俗作耳

又北十里曰超山其陰多蒼玉其陽有井冬有水而夏

竭

又東五百里曰成侯之山其上多櫟木

似樗樹材中車轅吳人呼櫟音

輜車或曰輜車其草多芄

又東五百里曰朝歌之山谷多美堊

又東五百里曰槐山谷多金錫

又東十里曰歷山其木多槐其陽多玉

又東十里曰尸山多蒼玉其獸多麋

似鹿而小黑色

尸水出焉

南流注于洛水其中多美玉

又東十里曰良餘之山其上多穀柞無石餘水出于其

陰而北流注于河乳水出于其陽而東南流注于洛

又東南十里曰蠱尾之山多礪石赤銅龍餘之水出焉而東南流注于洛

又東北二十里曰升山其木多穀柞棘其草多諸蘗蕙

蕙香草也多冠脫冠脫草生南方高丈許似荷葉而莖中有瓢正白零桂人植而日灌之以為樹也

黃酸之水出焉而北流注于河其中多璇玉石次玉者也孫卿曰

璇玉瑤玖不知佩璇音旋

又東十二里曰陽虛之山多金臨于玄扈之水

河圖曰蒼頡為



帝南巡狩登陽虛之山臨于玄扈洛汭靈龜負書丹甲青文以授之出此水中也

凡薄山之首自苟林之山至于陽虛之山凡十六山二

千九百二十八里升山冢也其祠禮太牢嬰用吉玉首

山魃也其祠用稌黑犧太牢之具藥釀以藥作醴酒也干儻干

萬儻干楯也置鼓擊之嬰用一璧尸水合天也天神之所馮也肥牲

祠之用一黑犬于上用一雌雞于下剗一牝羊獻血以血

祭也剗猶剗也周禮曰剗呬奉犬牲又加以繒嬰用吉玉彩之彩之飾也饗之勸強

特牲饋食禮曰執奠祝饗是也

中次六經縞羝山之首曰平逢之山南望伊洛東望穀

城之山

在濟北穀城縣西黃石公石在此山下張良取以合葬爾

無草木無水多沙

石有神焉其狀如人而二首名曰驕蟲是為螫蟲

為螫蟲之

長實惟蜂蜜之廬

言羣蜂之所舍集蜜赤蜂名

其祠之用一雄雞禳

而勿殺

禳亦祭名謂禳却惡氣也

西十里曰縞羝之山無草木多金玉

又西十里曰廐山

音如瓊偉之瓊

其陰多璆璵之玉其西有谷

焉名曰藿谷其木多柳楮其中有鳥焉狀如山雞而長

尾赤如丹火而青喙名曰鴝鵒

鈴要二音

其鳴自呼服之不

昧交觴之水出于其陽而南流注于洛俞隨之水出于其陰而北流注于穀水

又西三十里曰瞻諸之山其陽多金其陰多文石謝水

出焉

音謝

而東南流注于洛少水出其陰而東流注于穀

水

世謂之慈澗

又西三十里曰婁涿之山無草木多金玉瞻水出于其

陽而東流注于洛陂水出于其陰

世謂之百答水

而北流注于

穀水其中多莛石文石

又西四十里曰白石之山惠水出于其陽而南流注于

洛其中多水玉澗水出于其陰

書曰伊洛澗

西北流注于穀

水其中多麋石櫨丹

皆未聞

又西五十里曰穀山其上多穀其下多桑奭水出焉

世謂

之紆麻澗

而西北流注于穀水其中多碧綠

又西七十二里曰密山

今滎陽密縣亦有密山疑非也

其陽多玉其陰

多鐵豪水出焉而南流注于洛其中多旋龜其狀鳥首

而鼈尾其音如判木無草木

又西百里曰長石之山無草木多金玉其西有谷焉名

曰共谷多竹共水出焉西南流注于洛其中多鳴石

晉永

康元年襄陽郡上鳴石似玉色青撞之聲聞七八里今零陵泉陵縣永正鄉有鳴石二所其一狀如鼓俗因名

為石鼓即

此類也

又西一百四十里曰傅山無草木多瑤碧厭染之水出

于其陽而南流注于洛其中多人魚其西有林焉名曰

播冢

音番

穀水出焉而東流注于洛

今穀水出穀陽谷東北至穀城縣入洛河

其中多珣玉

未聞也  
珣音堙

又西五十里曰橐山其木多樗多楠木

今蜀中有楠木  
七八月中吐穗

穗成如有鹽粉著  
狀可以酢羹音備

其陽多金玉其陰多鐵多蕭

蕭蒿見  
爾雅

橐水出焉而北流注于河其中多脩辟之魚狀如鼃

鼃蛙

屬也而白喙其音如鴟食之已白癰

又西九十里曰常烝之山無草木多堊漹水出焉

音而  
漹

東北流注于河其中多蒼玉蓄水出焉而北流注于河

又西九十里曰夸父之山其木多機柁多竹箭其獸多

牝牛羶羊其鳥多驚其陽多玉其陰多鐵其北有林焉

名曰桃林是廣員三百里其中多馬

桃林今弘農湖縣關鄉南谷中是也

饒野馬山羊山牛也

湖水出焉而北流注于河其中多珉玉

又西九十里曰陽華之山其陽多金玉其陰多青雄黃

其草多諸蓂多苦辛其狀如櫛

即櫛字也

其實如瓜其味酸

甘食之已瘡楊水出焉而西南流注于洛其中多人魚

門水出焉而東北流注于河其中多玄礪

黑砥石生水中 緡姑

之水出于其陰

緡音藉

而東流注于門水其上多銅門水

出于河七百九十里入雒水

凡縞羝山之首自平逢之山至于陽華之山凡十四山

七百九十里嶽在其中以六月祭之

六月亦歲之中

如諸嶽之

祠法則天下安寧

中次七經苦山之首曰休與之山

與或作與下同

其上有石焉

名曰帝臺之棋

帝臺神人名棋謂博棋也

五色而文其狀如鵲卵帝

臺之石所以禱百神者也

禱祀百神則用此石

服之不蠱有草焉

其狀如著赤葉而本叢生名曰風條可以為簞

中箭筈也



東三百里曰鼓鍾之山帝臺之所以觴百神也舉觴燕會則於

此山因名有草焉方莖而黃華員葉而三成葉三其名重也

曰焉酸可以為毒治為其上多礪其下多砥

又東二百里曰姑嫖之山音遙或無帝女死焉其名曰

女尸化為菑草其葉胥成言葉相重也亦音遙其華黃其實如菟

丘菟丘菟絲也見爾雅服之媚於人為人所愛也傳曰人服媚之如是一名荒夫草

又東二十里曰苦山有獸焉名曰山膏其狀如逐即豚字

赤若丹火善噉好罵人其上有木焉名曰黃棘黃華而員

葉其實如蘭服之不字

字生也易曰女子貞不字

有草焉員葉而無

莖赤華而不實名曰無條服之不癭

又東二十七里曰堵山神天愚居之是多怪風雨其上

有木焉名曰天楸

音鞭

方莖而葵狀服者不啞

食不噎也

又東五十二里曰放臯之山

放或作効又作牧

明水出焉南流

注于伊水其中多蒼玉有木焉其葉如槐黃華而不實

其名曰蒙木服之不惑有獸焉其狀如蜂枝尾而反舌

善呼

好呼喚也

其名曰文文

又東五十七里曰大菩之山多璚琤之玉多麋玉未詳

草焉其狀葉如榆方莖而蒼傷其名曰牛傷猶言牛棘其根

蒼文服者不厥厥逆氣病可以禦兵其陽狂水出焉西南流

注于伊水其中多三足龜今吳興陽羨縣有君山山上有池水中有三足六眼龜鼈

龜三足者名貴出爾雅食者無大疾可以已腫

又東七十里曰半石之山其上有草焉生而秀其高丈

餘赤葉赤華華而不實初生先作穗却著葉花生穗間其名曰嘉榮服

之者不霆不畏雷霆霹靂也音廷搏之廷來需之水出於其陽而西流

注于伊水其中多鯪魚音倫黑文其狀如鮒食者不睡合

水出于其陰而北流注于洛多騰魚音騰狀如鯪居達魚

大口大目細鱗有斑彩達水中之冗道交通者鯪音劇蒼文赤尾食者不癰可以

為癰癰癰屬也中多有虫淮南子曰雞頭已癰音漏

又東五十里曰少室之山今在河南陽城西俗名泰室百草木成囷

未詳其上有木焉其名曰帝休葉狀如楊其枝五衢言樹枝交

錯相重五出有象衢路也離騷曰靡萍九衢黃華黑實服者不怒其上多玉

此山巔亦有白玉膏得服之即得仙道世人不能上也詩含神霧云其下多鐵休水出焉

而北流注于洛其中多鯢魚狀如鰻音未詳而長距

足白而對詳未食者無蠱疾可以禦兵

又東三十里曰泰室之山即中嶽嵩高山也今在陽城縣西其上有木

焉葉狀如梨而赤理其名曰栳木音郁服者不妬有草焉

其狀如茱茱似薊也白華黑實澤如蓂蓂言子滑澤其名曰蓂草

服之不昧上多美石次玉者也啓母化為石而生啓在此山見淮南子

又北三十里曰講山其上多玉多柘多栢有木焉名曰

帝屋葉狀如椒反傷赤實反傷刺下句也可以禦凶

又北三十里曰嬰梁之山上多蒼玉罇于玄石

言蒼玉依黑石

而生也或曰罇于樂器名形似椎頭

又東三十里曰浮戲之山有木焉葉狀如樗而赤實名

曰亢木食之不蠱汜水出焉而北流注于河其東有谷

因名曰蛇谷

言此中出蛇故以名之

上多少辛

細辛也

又東四十里曰少陁之山有草焉名曰蒟草

音剛

葉狀如

葵而赤莖白華實如蓂蓂食之不愚

言益人智

難之水出

焉

或作器

而北流注于役水

一作侵

又東南十里曰太山

別有東小太山今在朱虛縣汶水所出疑此非也

有草焉

名曰梨其葉狀如荻

荻亦蒿也音狄

而赤華可以已疽太水出

于其陽而東南流注于没水承水出于其陰而東北流

注于没

世謂之靖澗水

又東二十里曰末山上多赤金末水出焉北流注于没

水經

作沫

又東二十五里曰役山上多白金多鐵役水出焉北注

于河

又東三十五里曰敏山上有木焉其狀如荆白華而赤

實名曰薊

音計

栢服者不寒

今人耐寒

其陽多璆璵之玉

又東三十里曰大駝之山

今滎陽密縣有大駝山駝因溝水所出音歸

其陰

多鐵美玉青瑩有草焉其狀如著而毛青華而白實其

名曰狼

音狼戾

服之不夭

言盡壽也或作芙

可以為腹病

為治也一作已

凡苦山之首自休與之山至于大駝之山凡十有九山

千一百八十四里其十六神者皆豕身而人面其祠毛

牲用一羊羞

言以羊為薦羞

嬰用一藻玉瘞

藻玉玉有五彩者也或曰所以盛玉



藻藉也 苦山少室太室皆冢也其祠之太牢之具嬰以吉玉

其神狀皆人面而三首其餘屬皆豕身人面也

中次八經荆山之首曰景山今在南郡界中其上多金玉其木

多杼檀杼音椽柱之柱睢水出焉睢音癰東南流注于江今睢水出

新城魏昌縣東南發阿山東南至南郡枝江縣入江也其中多丹粟多文魚有斑彩也

東北百里曰荆山今在新城沐鄉縣南其陰多鐵其陽多赤金其

中多犛牛犛牛屬也黑色出西南多虎豹其木多松柏

其草多竹多橘櫟櫟似橘而大皮厚味酸漳水出焉而東南流注

于睢

出荆山至南郡當陽縣入沮水

其中多黃金多鮫魚

鮫鮪魚類也皮有珠文而

堅尾長三四尺末有毒螫人皮可飾刀

其獸多問麋

似鹿

而大也

又東北百五十里曰驕山其上多金其下多青雘其木

多松栢多桃枝鈎端神蟲圍處之

蟲音鼃魚之鼃

其狀如人面

羊角虎爪恒遊于睢漳之淵

淵水之府與也

出入有光

又東北百二十里曰女兒之山其上多玉其下多黃金

其獸多豹虎多問麋麋鹿

鹿似獐而大猥毛豹脚音几

其鳥多白鵲

鷓似雉而長尾多翟多鴝鴝大如鷓紫綠色長頸赤喙  
走且鳴音驕食蝮蛇頭雄名運日雌名陰

諧也

又東北二百里曰宜諸之山其上多金玉其下多青蘗

浼水出焉音詭而南流注于漳今浼水出南郡東浼山至華容縣入江也其中

多白玉

又東北三百五十里曰綸山音倫其木多梓枏多桃枝多

相栗橘櫟相似梨而酢漹其獸多問麇麇麇似羆而鹿脚青色音綽

又東北二百里曰陸郛之山音如踰告之踰其上多璚璚之玉

其下多堊其木多杻橦

又東百三十里曰光山其上多碧其下多木神計蒙處之其狀人身而龍首恒遊于漳淵出入必有飄風暴雨

又東百五十里曰岐山其陽多赤金其陰多白珉

石似玉者

音是其上多金玉其下多青雘其木多樗神涉蠃處之河

切一作翼其狀人身而方面三足

笑遊切

又東百三十里曰銅山其上多金銀鐵其木多穀柞柎

栗橘櫟其獸多豹

又東北一百里曰美山其獸多兕牛多閭麋多豕鹿其上多金其下多青藿

又東北百里曰大堯之山其木多松栢多梓桑多机其草多竹其獸多豹虎麋麋

又東北三百里曰靈山其上多金玉其下多青藿其木

多桃李梅杏

梅似杏而酢也

又東北七十里曰龍山上多寓木

寄生也一名宛童見爾雅

其上多

碧其下多錫其草多桃枝鉤端

又東南五十里曰衡山上多寓木穀柞多黃堊白堊

又東南七十里曰石山其上多金其下多青蘗多寓木

又南百二十里曰若山其上多璆璠之玉多赭赤土多邽

石未詳多寓木多柘若或作前

又東南一百二十里曰燕山多美石多柘

又東南一百五十里曰玉山其上多金玉其下多碧鐵

其木多栢一作櫟

又東南七十里曰謹山其木多檀多邽石多白錫今白鐵也

郁水出于其上潛于其下其中多砥礪

又東北百五十里曰仁舉之山其木多穀柞其陽多赤金其陰多赭

又東五十里曰師每之山其陽多砥礪其陰多青護其木多栢多檀多柘其草多竹

又東南二百里曰琴鼓之山其木多穀柞椒柘椒為樹小而叢

生下有草其上多白珉其下多洗石其獸多豕鹿多白木則蠹死

犀其鳥多鳩

凡荆山之首自景山至琴鼓之山凡二十三山二千八百九十里其神狀皆鳥身而人面其祠用一雄雞祈瘞禱請已埋之也用一藻圭糝用稌驕山冢也其祠用羞酒少牢祈瘞嬰毛一璧

中次九經岷山之首曰女兒之山其上多石涅其木多杻橦其草多菊茱洛水出焉東注于江其中多雄黃亦出水中其獸多虎豹

又東北三百里曰岷山江水出焉

岷山今在汶山郡廣陽縣西大江所出



東北流注于海

至廣陽縣入海

其中多良龜

良善

多鼃

似蜥蜴大者長二丈

有鱗彩皮可以冒鼓

其上多金玉其下多白珉其木多梅棠其獸

多犀象多夔牛

今蜀山中有大牛重數千斤名為夔牛晉太興元年此牛出上庸郡人弩射殺

得三十八擔肉即爾雅所謂魏

其鳥多翰驚

白翰赤驚

又東北一百四十里曰岷山江水出焉

邛來山今在漢嘉嚴道縣南江

水所自出也山有九折坂出猶似熊而黑白駁亦食銅鐵也

東流注大江其陽多黃

金其陰多麋麇其木多檀栢其草多薤韭多葍即空奪

即蛇被脫也

又東一百五十里曰岨山音居江水出焉江北東流注于大

江其中多怪蛇今永昌郡有鉤蛇長數丈尾岐在水中

此類也多鰲魚音贅未聞其木多櫛杻櫛剛木也中車材音秋多梅梓其

獸多夔牛麋麋犀兕有鳥焉狀如鴉而赤身白首其名

曰竊脂今呼小青雀曲嘴肉食者為竊脂疑此非也可以禦火

又東三百里曰高梁之山其上多堊其下多砥礪其木

多桃枝鉤端有草焉狀如葵而赤華莢實白柎可以走

馬

又東四百里曰蛇山其上多黃金其下多璽其木多栲  
多豫樟其草多嘉榮少辛有獸焉其狀如狐而白尾長  
耳名狔狼音巴見則國內有兵一作國有亂

又東五百里曰鬲山其陽多金其陰多白珉蒲鸛音之

水出焉而東流注于江其中多白玉其獸多犀象熊羆

多猿蜮

蜮似獼猴鼻露上向尾四五尺頭有岐蒼黃色雨則自縣樹以尾塞鼻孔或以兩指塞之

又東北三百里曰隅陽之山其上多金玉其下多青藿  
其木多梓桑其草多莛徐之水出焉東流注于江其中

多丹粟

又東二百五十里曰岐山

今在扶風美陽縣西

其上多白金其下

多鐵其木多梅梓

梅或作  
蔽音

多杻橈減水出焉東南流注

于江

又東三百里曰勾欄之山

音絡  
据之据

其上多玉其下多黃

金其木多櫟柘其草多芍藥

又東一百五十里曰風雨之山其上多白金其下多石

涅其木多楸櫟

楸木未詳也櫟木白  
理中櫟勗善二音

多楊宣余之水出

馬東流注于江其中多蛇其獸多閭麋多麀豹虎其鳥  
多白鵲

又東北二百里曰玉山其陽多銅其陰多赤金其木多  
豫樟櫟杻其獸多豕鹿麋麋其鳥多鵲

又東一百五十里曰熊山有穴焉熊之穴恒出神人夏  
啓而冬閉是穴也冬啓乃必有兵

今鄴西北有鼓山下  
有石鼓象懸著山旁

鳴則有軍事與此  
穴殊象而同應

其上多白玉其下多白金其木多櫟

柳其草多寇脫

又東一百四十里曰驪山其陽多美玉赤金其陰多鐵其木多桃枝荆芭

又東二百里曰葛山其上多赤金其下多城石

城石勁石似玉

也音絨其木多柰栗橘櫟樗杻其獸多麋麋其草多嘉榮

又東一百七十里曰賈超之山其陽多黃堊其陰多美

楮其木多柰栗橘櫟其中多龍脩

龍須也似莞而細生山石穴中莖倒垂可

以為席

凡岷山之首自女几山至于賈超之山凡十六山三千

五百里其神狀皆馬身而龍首其祠毛用一雄雞瘞糝

用稌文山勾欄風雨醜之山是皆冢也其祠之羞酒先進

酒以少牢具嬰毛一吉玉熊山席也席者神之憑止也其祠羞

酒太牢具嬰毛一璧千儺用兵以禳禳祓除之祭名儺者持盾武儺也

祈璆冕舞所求福祥也祭用玉儺者冕服也美玉曰璆已求反

中次十經之首曰首陽之山其上多金玉無草木

又西五十里曰虎尾之山其木多椒楮多封石其陽多

赤金其陰多鐵

又西南五十里曰繁績音潰之山其木多櫟杻其草多枝

勾今山中  
有此草

又西南二十里曰勇石之山無草木多白金多水

又西二十里曰復州之山其木多檀其陽多黃金有鳥

焉其狀如鴉而一足彘尾其名曰跂踵見則其國大疫

銘曰跂踵為鳥一足似  
變不為樂興反以來悲

又西三十里曰楮山多寓木多椒楮多柘多堊

一作渚  
州之山

又西二十里曰又原之山其陽多青蘘其陰多鐵其鳥



多鸛鵒鵒鵒也傳曰鵒鵒來巢音臞

又西五十里曰涿山其木多穀柞杻其陽多瑇瑁之玉

又西七十里曰丙山其木多梓檀多攷杻攷義所未詳

凡首陽山之首自首山至于丙山凡九山二百六十七

里其神狀皆龍身而人面其祠之毛用一雄雞瘞糝用

五種之糝堵山冢也其祠之少牢具羞酒祠嬰毛一璧

瘞醜山帝也其祠羞酒太牢其合巫祝二人儻嬰一璧

中次一十一山經荆山之首曰翼望之山湍水出焉

鹿博

反東流注于濟

今湍水逕南陽穰縣而入清水

貺水出焉

音况

東南流注

于漢其中多蛟

似蛇而四脚小頭細頸有白癭大者十數圍卵如一二石甕能吞人

其上

多松栢其下多漆梓其陽多赤金其陰多珉

又東北一百五十里曰朝歌之山漁水出焉

漁水今在南陽舞陽

縣音武

東南流注于滎其中多人魚其上多梓枏其獸多

麋麋有草焉名曰莽草可以毒魚

今用之殺魚

又東南二百里曰帝囷之山

去倫反

其陽多璆瑋之玉其

陰多鐵帝囷之水出于其上潛于其下多鳴蛇

又東南五十里曰視山其上多韭有井焉名曰天井夏有水冬竭其上多桑多美堊金玉

又東南二百里曰前山其木多櫛

似柞子可食冬夏生作屋柱難腐音諸或

作儲多柏其陽多金其陰多赭

又東南三百里曰豐山有獸焉其狀如蜎赤目赤喙黃身名曰雍和見則國有大恐神耕父處之常遊清冷之

淵出入有光

清冷水在西號郊縣山上神來時水亦有光耀今有屋祠之

見則其國

為敗有九鐘焉是知霜鳴

霜降則鐘鳴故言知也物有自然感應而不可為也其

上多金其下多穀柞杻樞

又東北八百里曰兔牀之山其陽多鐵其木多諸蕀其草多雞穀其本如雞卵其味酸甘食者利于人

又東六十里曰皮山多璽多赭其木多松柏

又東六十里曰瑤碧之山其木多梓柟其陰多青蘗其

陽多白金有鳥焉其狀如雉恒食蜚名曰鳩

蜚負盤也音翡此更

一種鳥非食蛇之鳩也

又東四十里曰文離之山濟水出焉南流注于漢

今濟水出

鄯縣西北山中南入有鳥焉其名曰嬰勺其狀如鵲赤

漢鄯離音字亦同

目赤喙白身其尾若勺似酒勺形其鳴自呼多牝牛多羖羊

又東北五十里曰秩簡之山音彫其上多松柏机柏似柳

皮黃不指子似棟著酒中飲之辟惡氣浣衣去垢核堅正黑可以間香纓一名枯樓也

又西北一百里曰董理之山其上多松柏多美梓其陰

多丹雘多金其獸多豹虎有鳥焉其狀如鵲青身白喙

白目白尾名曰青耕可以禦疫其鳴自叫

又東南三十里曰依軻之山音枯其上多杻橦多苴音道未詳

有獸焉其狀如犬虎爪有甲其名曰獬

言體有鱗甲音吝

善馱

牟

跳躍自撲也

食者不風

不畏天風

又東南三十五里曰即谷之山多美玉多玄豹

黑豹也即今荆

州山中出黑虎也

多閭麈多麀炙其陽多珉其陰多青護

又東南四十里曰雞山其上多美梓多桑其草多韭

又東南五十里曰高前之山其上有水焉甚寒而青

或作

潛帝臺之漿也

今河東解縣南檀首山上有水潛出傳不流俗名為盎漿即此類也

飲之

者不心痛其上有金其下有赭

又東南三十里曰游戲之山多杻榘穀多玉多封石

又東南三十五里曰從山其上多松柏其下多竹從水

出于其上潛于其下其中多三足鼈枝尾

三足鼈名食能見兩雅

之無蠱疫

又東南三十里曰嬰磈之山

音真

其上多松柏其下多梓

櫨

又東南三十里曰畢山帝苑之水出焉東北流注于視

其中多水玉多蛟其上多璚琤之玉

又東南二十里曰樂馬之山有獸焉其狀如彙赤如丹

火其名曰猴

音庚

見則其國大疫

又東南二十五里曰歲山視水出焉

或曰視宜為瀨瀨水今在南陽也

東南流注于汝水其中多人魚多蛟多鰓

如青狗

又東四十里曰嬰山其下多青黿其上多金玉

又東三十里曰虎首之山多苴櫚

櫚未詳也音彫

又東二十里曰嬰侯之山其上多封石其下多赤錫

又東五十里曰大孰之山殺水出焉東北流注于視水



其中多白堊

又東四十里曰卑山其上多桃李苴梓多纍

今虎豆狸豆之屬纍

一名滕

音誅

又東三十里曰倚帝之山其上多玉其下多金有獸焉

其狀如鼯鼠

爾雅說鼠有十三種中有此鼠形所未詳也音狗吠之吠

白耳白喙名

曰狙如

音即蛆

見則其國有大兵

又東三十里曰鯢山

音倪

鯢水出于其上潛于其下其中

多美瑩其上多金其下多青雘

又東三十里曰雅山澧水出焉

音禮今澧水出南陽

東流注于視

水其中多大魚其上多美桑其下多苴多赤金

又東五十里曰宣山淪水出焉東南流注于視水其中

多蛟其上有桑焉大五十尺

圍五丈也

其枝四衢

言枝交其互四出

其

葉大尺餘赤理黃華青柎名曰帝女之桑

婦女主蠶故以名桑

又東四十五里曰衡山

今衡山在衡陽湘南縣南嶽也俗謂之岫嶠山

其上多

青藿多桑其鳥多鸛鵒

又東四十里曰豐山其上多封石其木多桑多羊桃狀

如桃而方莖

一名鬼桃

可以為皮張

治皮腫起

又東七十里曰嫗山其上多美玉其下多金其草多雞

穀

又東三十里曰鮮山其木多櫟杻苴其草多薺冬其陽

多金其陰多鐵有獸焉其狀如膜大赤喙赤目白尾見

則其邑有火名曰移即

音移

又東三十里曰章山

或作童山

其陽多金其陰多美石臯水

出焉東流注于澧水其中多脆石

未聞魚脆反

又東二十五里曰大支之山其陽多金其木多穀柞無草木

又東五十里曰區吳之山其木多苴

又東五十里曰聲匈之山其木多穀多玉上多封石

又東五十里曰大駝之山山上有此山疑同名其陽多赤金其陰

多砥石

又東十里曰踵白之山無草木

又東北七十里曰歷或作磨石之山其木多荆芭其陽多

黃金其陰多砥石有獸焉其狀如狸而白首虎爪名曰梁渠見則其國有大兵

又東南一百里曰求山求水出于其上潛于其下中有

美楮其木多苴多鎡篠屬其陽多金其陰多鐵

又東二百里曰丑陽之山其上多桐楮有鳥焉其狀如

鳥而赤足名曰馭餘音如枳柑之枳可以禦火

又東三百里曰奧山其上多柏杻櫃其陽多璵琤之玉

奧水出焉東流注于視水

又東三十五里曰服山其木多苴其上多封石其下多赤錫

又東百十里曰沓山其上多嘉榮草多金玉

又東三百五十里曰凡山其木多櫟檀柎其草多香有獸焉其狀如羴黃身白頭白尾名曰聞羴音羴見則天下

大風羴一作羴音羴

凡荆山之首自翼望之山至于凡山凡四十八山三千七百三十二里其神狀皆羴身人首其祠毛用一雄雞

祈瘞用一珪糝用五種之精禾山帝也其祠太牢之具

羞瘞倒毛

薦羞反倒牲埋之也

用一璧牛無常堵山玉山冢也皆

倒祠羞毛少牢嬰毛吉玉

中次十二經洞庭山之首曰篇遇之山

或作肩

無草木多

黃金

又東南五十里曰雲山無草木有桂竹甚毒傷人必死

今始興郡桂陽縣出筴竹大者圍二尺長四丈又交趾有筴竹實中勁強有毒銳以刺虎中之則死亦此類也

其上多黃金其下多璆璠之玉

又東南一百三十里曰龜山其木多穀柞桐栝其上多

黃金其下多青雄黃多扶竹

邛竹也高節實中中杖也名之扶老竹

又東七十里曰丙山多箠竹多黃金銅鐵無木

又東南五十里曰風伯之山其上多金玉其下多瘕石

文石

未詳瘕石之義

多鐵其木多柳杻檀楮其東有林焉名曰

莽浮之林多美木鳥獸

又東一百五十里曰夫夫之山其上多黃金其下多青

雄黃其木多桑楮其草多竹雞鼓神于兒居之其狀人



身而身操兩蛇常遊于江淵出入有光

又東南一百二十里曰洞庭之山

今長沙巴陵縣西又有洞庭陂潛伏通江

離騷曰遭吾道兮洞庭洞庭波兮木葉下皆謂此也字或作銅宜從水

其上多黃金其下

多銀鐵其木多杻梨橘櫟其草多薺蘼蕪芎藥芎藭

蕪蘼

似蛇牀而香也帝之二女居之

天帝之二女而處江為神即列仙傳江妃二女也離騷九歌所

謂湘夫人稱帝子者是也而河圖玉版曰湘夫人者帝堯女也秦始皇浮江至湘山逢大風而問博士湘君何

神博士曰聞之堯二女舜妃也死而葬此列女傳曰二女死于江湘之間俗謂為湘君鄭司農亦以舜妃為湘

君說者皆以舜陟方而死二妃從之俱溺死於湘江遂號為湘夫人按九歌湘君湘夫人自是二神江湘之有

夫人猶河洛之有虞妃也此之為靈與天地並矣安得謂之堯女且既謂之堯女安得復總云湘君哉何以考之禮記曰舜葬蒼梧二妃不從明二妃生不從征死不從葬義可知矣即令從之二女靈達鑒通無方尚能以鳥工龍裳救井廩之難豈尚不能自免于風波而有雙淪之患乎假復如此傳曰生為上公死為貴神禮五嶽比三公四瀆比諸侯令湘川不及四瀆無秩於命祀而二女帝者之后配靈神祇無緣當復下降小水而為夫人也參互其義義既混錯錯綜其理理無可據斯不然矣原其致謬之由由乎俱以帝女為名名實相亂莫矯其失習非勝是終是常遊于江淵澧沅之風交瀟湘之古不悟可悲矣

淵此言二女遊戲江之淵府則能鼓三江令風波之氣共相交通言其靈響之意也江湘沅水皆共會巴陵頭故號為三江之口澧又去之七八十里而入江是在馬淮南子曰弋釣瀟湘今所在未詳也瀟音消

九江之間

地理志九江今在潯陽南江自潯陽而分出為九皆東會于大江書曰九江孔殷是也

入必以飄風暴雨是多怪神狀如人而載蛇左右手操

蛇多怪鳥

又東南一百八十里曰暴山其木多欒柎荆芭竹箭簞

箇

箇亦篠類中箭見禹貢

其上多黃金玉其下多文石鐵其獸多

麋鹿麇就

就鵬也見廣雅

又東南二百里曰即公之山其上多黃金其下多璆璒

之玉其木多柳柎檀桑有獸焉其狀如龜而白身赤首

名曰蜺音詭是可以禦火

又東南一百五十九里曰堯山其陰多黃堊其陽多黃金其木多荆芭柳檀其草多藷蓴菜

又東南一百里曰江浮之山其上多銀砥礪無草木其獸多豕鹿

又東二百里曰真陵之山其上多黃金其下多玉其木多穀柞柳杻其草多榮草

又東南一百二十里曰陽帝之山多美銅其木多檀杻

廩楮

廩山桑也

其獸多麋麕

又南九十里曰柴桑之山

今在潯陽柴桑縣南其廬山相連也

其上多銀

其下多碧多冷石楮其木多柳芭楮桑其獸多麋鹿多

白蛇飛蛇

即騰蛇乘霧而飛者

又東二百三十里曰榮余之山其上多銅其下多銀其

木多柳芭其蟲多怪蛇怪蟲

凡洞庭山之首自篇遇之山至于榮余之山凡十五山

二千八百里其神狀皆鳥身而龍首其祠毛用一雄雞

一牝豚剗

剗亦割刺之名

糝用稌凡夫夫之山即公之山堯山

陽帝之山皆冢也其祠皆肆瘞

肆陳之也陳牲玉而後埋藏之

祈用酒

毛用少牢嬰毛一吉玉洞庭榮余山神也其祠皆肆瘞

肆竟然後依前埋之也

祈酒太牢祠嬰用圭璧十五五彩惠之

惠猶

飾也方言也

右中經之山志大凡百九十七山二萬一千三百七十

一里大凡天下名山五千三百七十居地大凡六萬四


千五十六里

禹曰天下名山經五千三百七十山六萬四千五十六里居地也言其五臧蓋其餘小山甚衆不足記云天地之東西二萬八千里南北二萬六千里出水之山者八千里受水者八千里出銅之山四百六十七出鐵之山三千六百九十此天地之所分壤樹穀也戈矛之所發也刀鍛之所起也能者有餘拙者不足封於太山禪於梁父七十二家得失之數皆在此內是謂國用

管子地數云封

禪之王七十二家也

右五藏山經五篇大凡一萬五千五百三字





山海經卷五